

四庫全書

集部

欽定四庫全書

文選卷四十一

梁蕭統編

唐李善註

答蘇武書

李少卿

子卿足下

恭邕獨斷曰陛下者羣臣與至尊言不敢稱天子故呼在陛下者而告之因卑達尊之意也

及澤臣庶士相與言殿下闕下足下侍者執事之屬皆此類也勤宣令德策名清時

左氏傳僖公三十三年狄突對晉惠公曰策名委質榮貳乃辟也策名謂君簡書臣之名清時謂昭帝之時榮

問休暢幸甚幸甚

小雅曰非分而得謂之幸

遠託異國昔人所悲

子

新論雍門周鼓琴見孟嘗君曰先生鼓琴亦能令悲乎對曰所令悲者遠赴絕國無相見期若此人者但聞飛

鳥之蹄秋風滿條則心傷矣

望風懷想能不依依昔者不遺遠辱還

答慰誨勤勤有踰骨肉陵雖不敏

孝經曰參不敏

能不愧然自

從初降以至今日身之窮困獨坐愁苦終日無覩但見

異類

家語孔子曰舜之為君暢於異類王肅曰異類四方夷狄也

韋韞

古豆切

毳毼

川尚切

幘以禦風雨羶肉酪漿以充飢渴

說文曰羶臂衣止漢書董君綠幘傳羶注

曰羶形如射鞬縛左右手於事便也毳幘羶幘也烏孫公主歌曰肉為食酪為漿

舉目言笑誰

與為歡胡地玄冰邊土慘裂

說文曰慘毒也廣雅曰裂分也

但聞悲風

蕭條之聲涼秋九月塞外草衰夜不能寐側耳遠聽胡

笳互動牧馬悲鳴

杜摯笳賦序曰笳者李伯陽入西戎所作也傳玄笳賦序曰吹葉為聲說

文作箛毛詩曰駟駒收馬

吟嘯成羣邊聲四起晨坐聽之不覺淚下

嗟乎子卿陵獨何心能不悲哉與子別後益復無聊

賈逵

國語注曰駟駒也

上念老母臨年被戮妻子無辜竝為鯨鯢

左氏

傳楚子曰古者明王伐不敬取其鯨鯢而封之以為大戮杜預曰鯨鯢大魚以喻不義之人吞食小國身

負國恩為世所悲

背恩不報為負恩也鄭玄禮記注曰負背也

子歸受榮我

留受辱命也如何身出禮義之鄉而入無知之俗違棄

君親之恩長為蠻夷之域傷已令先君之嗣

先君謂其父當戶也

即廣之子

更成戎狄之族又自悲矣功大罪小不蒙明察孤

負陵心區區之意每一念至忽然忘生陵不難刺

七亦切

心以自明刻

士粉切

頸以見志顧國家於我已矣

王逸注離騷曰

已失絕望之辭也

殺身無益適足增羞故每攘臂忍辱輒復苟

活孟子曰馮婦善搏虎攘臂下車衆皆悅之

左右之人見陵如此以為不入

耳之歡來相勸勉異方之樂祇

音

令人悲增怛怛耳

爾雅

曰怛憂也方
言曰怛痛也

嗟乎子卿人之相知貴相知心前書倉卒

七忽切

未盡所懷故復略而言之昔先帝授陵步卒五千

先帝謂武帝也

出征絕域五將失道陵獨遇戰

漢書武紀曰天漢二年將軍李

廣利出酒泉公孫敖出西河騎都尉李陵將步卒五千
出居延時無五將未審陵書之誤而武紀略之作表云
臣以天漢二年到塞外尋破詔書責臣不進臣執
引師前到浚稽山五將失道詳此亦不云其名而裹

萬里之糧帥徒步之師出天漢之外入強胡之域

漢書蕭何

曰語天漢其稱甚美臣瓚按流俗語
曰天漢其言常以漢配天此美名也

以五千之衆對十

萬之軍策疲乏之兵當新羈之馬

說文曰羈馬絡頭也

然猶斬將

塞

居辰切

旗追奔逐北

史記曰斬將塞旗之士臣瓚按拔取曰塞商君書曰戰勝逐北服虔

漢書注曰師敗曰北

滅跡埽塵斬其梟帥

張晏漢書注曰駭勇也若六博之梟

使三

軍之士視死如歸

呂氏春秋管仲謂齊侯曰平原廣域車不結軌士不旋踵鼓之使三軍之

士視死如歸臣不如王威子父

陵也不才希當大任

呂氏春秋淳于髡曰臣不肖不足以

當大任

意謂此時功難堪矣

說文作戰戰勝也此堪是地名今傳俗用

匈奴既

敗舉國興師

劉兆穀梁注曰舉盡也

更練精兵強踰十萬單于臨

陣親自合圍客主之形既不相如

而去切

步馬之勢又甚

懸絕疲兵再戰一以當千然猶扶乘創

初良切

痛決命爭

首

漢書曰陵與單于連戰士卒矢傷三創者載輦兩創者將車一創者持兵死傷積野餘不滿

百而皆扶病不任干戈然陵振臂一呼創病皆起舉刀

指虜胡馬奔走兵盡矢窮人無尺鐵猶復徒首奮呼

故

劫徒空也言空前奮擊無復中胃

爭為先登當此時也天地為陵震怒

戰士為陵飲血

血即淚也燕丹子曰太子戲飲淚

單于謂陵不可復得

便欲引還而賊臣教之遂便復戰

賊臣謂管敢也李陵傳云軍候管敢為軍

候破校尉管之五十亡人匈奴于時匈奴與陵戰至塞恐漢有伏兵欲引還敢曰漢無伏兵匈奴因大進新

兵陵戰蘭于山漢軍敗故陵不得免耳昔高皇帝以三

十萬衆困於平城當此之時猛將如雲謀臣如雨然猶

七日不食僅乃得免

史記曰高祖自將擊韓王信遂至平城為匈奴所圍七日不得食用

陳平秘計始得免毛詩曰齊子歸止其從如雲人曰其從如雨何休公羊注曰僅纔也

況當陵者

豈易為力哉而執事云云

謂漢朝執事之人也

苟怨陵以不死然

陵不死罪也子卿視陵豈偷生之士而惜死之人哉寧

有背君親捐妻子而反為利者乎然陵不死有所為也故

欲如前書之言報恩於國主耳

李陵前與蘇子卿書云陵前為子卿死之計所

以然者莫其娶醜虜翻然南馳故且屈以求仲若將不死功成事立則將上報厚恩下顯祖考之明也誠

以虛死不如立節滅名不如報德也

琴撫曰重耳將自殺子曰申生虛死

子復過之

昔范蠡不殉會稽之恥曹沫

上具切

不死三敗之辱

卒

子律切

復勾踐之讎報魯國之羞

史記曰吳王發精卒擊越敗之越王乃以

餘兵五千人保棲於會稽勾踐令大夫種行成於吳王

王欲越勾踐自會稽七年撫循其士民吳王北會諸侯於黃池范蠡曰可矣乃發兵伐吳吳師敗乃請成於越後四年越復伐吳吳師敗吳王遂自殺又曰曹沫者魯人以勇力事魯莊公為魯將與齊戰三戰三北莊公懼乃獻逐邑之地以和猶復以為將齊桓公許與魯會于柯桓公與莊公既盟于壇上曹沫執匕首劫齊桓公桓公問曰手將何欲曹沫曰齊強魯弱而大國侵魯亦已甚矣今魯城壞壓境居其國區區之心竊慕此耳何圖之桓公乃許盡還魯之侵地

志未立而怨已成計未從而骨肉受刑

漢書曰公孫敖捕得生口言陵

欲單于為兵以備漢於是族腹家母弟妻子皆伏誅

此陵所以仰天推

直迫切

心而

泣血也足下又云漢與功臣不薄子為漢臣安得不云

爾乎昔蕭樊囚繫韓彭趙醢

史記曰相國蕭何為民請曰長安地狹上林中多空

棄地願令民得入田收藁無為獸食上大怒曰相國多受賈人財物乃請吾苑遂下廷尉械繫之又曰高祖病有

人惡樊噲黨呂氏即曰上一日宮車晏駕則噲欲以兵盡誅戚氏趙王如意之屬高祖大怒乃使陳平載解侯

代將而即軍中新噲陳平畏呂氏執噲詣長安又曰陳稀反韓信在長安欲應之事覺呂后使武士縛信斬於

長安鍾室又曰彭越反高祖赦之遷處蜀道著青衣行至鄭逢呂后從長安來泣曰願處故昌邑后許諾既至

白上曰彭越壯士也今徒蜀自遺患不如將之今其舍人告越反遂夷三族黥布傳薛公曰前年醢彭越往年殺韓信誅文
鼂錯受戮周魏見辜
鼂錯已見西征賦漢書周勃為丞相十餘

月上乃免丞相就國歲餘每河南尉守行縣至絳絳侯勃自畏恐誅常被甲令家人持兵以自衛其後人有上書告勃欲反下廷尉捕治之又曰竇嬰景帝時吳楚反拜嬰為大將軍七國破封嬰為魏其侯坐灌夫罵丞相因盼不敬遂
論嬰棄市其餘佐命立功之士賈誼亞夫之徒皆信

命世之才抱將相之具而受小人之讒泣受禍敗之辱卒使懷才受謗能不得展彼二子之遐舉誰不為之痛

心哉

左氏傳曰太上有立德其次有立功賈誼已見鵬鳥賦漢書曰周亞夫諫上不用因謝病免相亞夫

子為父買官尚方甲櫛五百被召詣廷尉責問曰君侯欲反乎亞夫曰所買乃葬器也何謂反乎失侵之益急遂入廷尉不食五日歐血而死孟子曰千年一聖五年一賢賢聖未出其中有命世者二子謂范蠡曹沫也言諸侯才能者被囚戮不陵先將軍功略蓋天地義勇如二子之能雪恥報功也

冠三軍徒失貴臣之意到身絕域之表此功臣義士所

以負戟而長歎者也何謂不薄哉

先將軍謂李廣也貴臣謂衛青也漢書曰

元狩四年大將軍衛青擊匈奴廣為前將軍出塞捕虜知畢于所居處乃自郎精兵而令廣出塞道東道廻遠廣辭曰臣結髮而與匈奴戰願居前大將軍不聽廣意色愠怒引兵東道或失道後大將軍大將軍固問失道狀欲上書報天子廣未對大將軍長史忽責廣廣謂其麾下曰結髮與匈奴大小十餘戰今幸從大將軍出接

單于兵而大將軍令廣部行廻遠又迷失道豈非天哉
且廣年六十餘終不復對刀筆之吏遂引刀自剄音義

鄭德曰以刀割頸曰剄姑舅切且足下昔以單車之使適萬乘之虜遭

時不遇至于伏劍不顧流離辛苦幾死塞北之野

巨依切

漢書曰漢遣蘇武以中郎將持節送匈奴使留在漢者
匈奴方欲使送武會匈奴蘇王長水虞常反匈奴中常
以告武副使張勝勝許以貨物與常一人夜亡告之蘇
王等死虞常生得匈奴使衛律治其事張勝以告武武
曰事如此必反我衛律召武受辭武謂惠等屈節辱命
雖生何面目以歸漢引佩刀以自刺衛律驚自抱持武
武氣絕半日復息乃丁年奉使皓首而歸丁年謂丁壯
徙武北海無人處丁年奉使皓首而歸之年也漢書
曰武留匈奴凡十九歲始老母終堂生妻去帷
以強壯出及還鬚髮盡白

漢書陵謂武曰

收來時太夫人已不幸懷送至
賜陵子卿婦年少聞已更嫁

此天下所希聞古今所

未有也蠻貊之人尚猶嘉子之節況為天下之主乎陵

謂足下當享茅土之薦受千乘之賞

尚書緯曰天子社
東方青南方赤西

方白北方黑土冒以黃土將封諸侯各取方土宜以白
茅以為社論語曰道千乘之國漢書曰兵車千乘諸侯
之大

聞子之歸賜不過二百萬位不過典屬國

漢書元
始元年

武至京師拜為典屬國秩
中二千石賜錢二百萬

無尺土之封加子之勤而妨

功害能之臣盡為萬戶侯親戚貪倭之類悉為廊廟宰

子尚如此陵復何望哉且漢厚誅陵以不死薄賞子以

守節欲使遠聽之臣望風馳命此實難矣所以每顧而

不悔者也陵雖孤恩漢亦負德

言陵無功以報漢為孤恩漢戮陵母為負德論

語曰德不孤必有鄰

昔人有言雖忠不烈視死如歸陵誠能安

言陵

忠誠能安於死事

而主豈復能眷眷乎男兒生以不成名死則

葬蠻夷中誰復能屈身稽顙還向北闕使刀筆之吏弄

其文墨耶

史記張釋之曰秦任刀筆之吏又功臣曰蕭何徒持文墨顯居臣上

願足下勿

復望陵嗟呼子卿夫復何言相去萬里人絕路殊生為

別世之人死為異域之鬼長與足下生死辭矣幸謝故

人故人謂任立政大將軍霍光上官桀等

勉事聖君足下肩子無恙

漢書曰武

在勾奴時胡婦生子名通國楚辭曰賴皇天之厚德分還及君之無恙

勿以為念努力自愛

老子曰聖人自愛

時因北風復惠德音李陵頓首

報任少卿書

司馬子長

漢書曰遷既被刑之後為中書令爭寵任職故人益州刺史任安乃與書

責以進賢之義遷報之遷死後其書稍出史記曰任安榮陽人為衛將軍後為益州刺史

太史公牛馬走

太史公遷久諫也走猶僕也言已為太史公掌牛馬之僕自謙之辭也

司

馬遷再拜言少卿足下

如淳曰少卿任安字也

曩者辱賜書教

流水子期曰善哉蕩蕩乎若流水子期死伯牙

何則士

破琴絕絃終身不復鼓琴以為世無知音者

為知己者用女為說己者容事知伯知伯寵之及趙襄

子段知伯豫讓逃山中曰嗟乎士為知已者用女為悅已者容吾其報智氏矣

若僕大質已虧

缺矣雖才懷隨和行若由夷

也隨隨侯珠也和和氏璧也由許由也夷伯夷也

終

不可以為樂適足以見笑而自黜耳書辭宜答

黜辱也往前與

我書書宜應答但有事故不獲答

會東從上來又迫賤事

服虔曰從武帝還孟康曰

卑賤之事若煩務也如淳曰遷為中書令任職常知中書時偶有賊盜之事晉灼曰賤事家之私事也相

見曰淺卒卒無須臾之間

文顯曰卒卒促遽之意也問隙也

得竭志意

今少卿抱不測之罪涉旬月迫季冬

如淳曰平居時不肯報其書今安有

不測之罪在獄故報往日

僕又薄從上雍恐卒然不可

蓄欲使其起以度已也

為諱李奇曰薄迫也迫當從行善

是僕終已不得舒憤

懣以曉左右

廣雅曰懣悶也楚辭曰惟煩悶以盈胸

則長逝者魂魄私恨

無窮

調在安恨不見報也

請略陳固陋闕然久不報幸勿為過僕

聞之修身者智之符也

符信也

愛施者仁之端也取與者

義之表也恥辱者勇之決也

勇士當於此而果決之

立名者行之

極也

凡入能立志者行中之最急也

士有此五者然後可以託於世而

列於君子之林矣故禍莫憊於欲利悲莫痛於傷心所

憊者唯欲之與利為禍之極也所可病者唯傷心之事而可為悲也行莫醜於辱先詬莫

大於宮刑醜機也先謂祖也詬音垢應劭曰詬恥也說文詬病左氏傳宋元公曰余不忍其詬尋此二書其訓頗同刑餘之人無所比數非

一世也所從來遠矣昔者衛靈公與雍渠同載孔子適陳

承語曰孔子居衛月餘靈公與夫人同車出令宦者雍渠參乘使孔子為次乘遊過市孔子曰吾未見好德如

好色於是恥之去衛過商鞅因景監見趙良寒心史記

曹此言孔子適陳未詳商鞅因景監見趙良寒心史記

謂趙良曰我化秦孰與五羖大夫賢趙良曰五羖大夫

荆之鄙人也繆公知其賢舉之牛口之下加之百姓之

上今君之見秦王也。因嬖人景監以為主，非所以為名也。人趙高謂李斯曰：「釋此不從禍及子孫，足為寒心也。」

同子參乘表然變色

蘇林曰：趙談也。與遷父同諱，故曰同子。漢書曰：上朝東宮，趙談參乘。

表然伏車前曰：臣聞天子所與共六尺輿者，皆天下豪

英。今漢雖乏人，陛下獨奈何？與刀鋸餘同載於上，笑下趙

談自古而恥之。夫以中才之人，事有關於官豎，莫不傷

氣而況於慷慨之士乎？如今朝廷雖乏人，奈何令刀鋸

之餘薦天下之豪俊哉？

史記履船曰：臣刀鋸之餘不敢二心。

僕賴先人緒

業

廣雅曰：緒，末也。司馬彪莊子注曰：緒，餘也。

得待罪輦轂下二十餘年矣。所

以自惟上之不能納忠效信，有奇策才力之譽，自結明

主次之又不能拾遺補闕招賢進能顯巖穴之士外之
又不能脩行伍攻城野戰有斬將奪旗之功下之不能
積日累勞取尊官厚祿以為宗族交遊光寵四者無一

遂苟合取容無所短長之效可見如此矣

工之四事無一
遂假欲合取容

亦無其所止史記蔡澤曰
吳起言不苟合行不苟容

嚮者僕亦常廁下大夫之列

陪奉外廷末議

臣瓚曰太史令千石故下大
夫止外廷既今僕射外朝止

不以此時

引網維盡思慮今已虧形為掃除之吏在闕茸之中

闕茸

猥賤也茸細毛也張揖訓詁以為闕
茸劣也呂忱字林曰闕茸不肖也

乃欲仰首伸眉論

列是非不亦輕朝廷羞當代之士邪嗟乎嗟乎如僕尚

何言哉尚何言哉且士本末未易明也僕少負不羈之

才長無鄉曲之譽

不羈言材質高遠不可羈繫也燕丹子憂扶曰士無鄉曲之譽未可以論

行也主上幸以先人之故使得奏薄伎

服虔曰薄伎薄才也

出入周

衛之中

周衛言宿衛周密也韋昭曰天子有宿衛之官

僕以為戴盆何以望天

言人戴盆則不得望天望天則不得戴盆事不可兼施言已方一心營職不暇修人事也

故絕賓客

之知亡室家之業日夜思竭其不肖之才力

禮記曰某之子不肖

應劭風俗通曰生子不似父母曰不肖

務一心營職以求親媚於主上

毛詩

曰藹藹多士
端于天子

而事乃有大謬不然者夫

夫語助也論語
子曰有是夫

僕與李陵俱居門下素非能相善也趨舍異路

太公六
韜書曰

夫人皆有性趣舍不同
古曰趣所向也舍所廢也

顏師

未嘗銜盃酒接怨慙之餘

懼然僕觀其為人自守竒士事親孝與士信臨財廉取

與義分別有讓恭儉下人常思奮不顧身以徇國家之

急

顏師古曰徇
從也營也

其素所蓄積也

言其意中舊
所蓄積也

僕以為有

國士之風

一國之中
推而為士

夫人臣出萬死不顧一生之計赴

公家之難斯以竒矣

新序昭奚恤曰使皆赴湯火蹈白
刃出萬死不顧一生司馬子反在

此

今舉事一不當而全軀保妻子之臣隨而媒孽其短

鄭玄周禮注曰舉猶行也臣瓚以為僕誠私心痛之且李媒謂違合會之孽謂生其罪釐也

陵提步卒不滿五千

有五千言不滿者痛之甚也

深踐戎馬之地足

歷王庭

胡地出馬故曰戎馬單于所居之處號曰王庭

垂餌

音二

虎口橫挑彊胡

仰億萬之師

說文曰挑相呼也李奇曰挑身獨戰不須衆挑茶吊切臣瓚曰挑挑敵求戰也古謂

之致師也地高故曰仰

與單于連戰十有餘日所殺過半當虜救

死扶傷不給

顧野王決曰飲過半當言陵軍殺已過半供給給也

毳裘之君長咸

震怖

毳裘匈奴所服也故言毳裘之君

乃悉徵其左右賢王舉引弓之

人漢書曰匈奴至胃頰最強大置左
右賢王以其善射故曰引弓之人一國共攻而圍之

轉關千里矢盡道窮救兵不至士卒死傷如積切
然

李陵一呼勞軍士卒無不起躬自流涕沫血飲泣張空

拳

孟康曰沫音頰善曰頰古沐字言流血在面如鹽類
也說文曰頰洗面也李登聲類云拳或作卷此言兵

曰盡但張空拳以擊耳桓寬鹽鐵論曰陳勝無將帥之
兵師旅之衆奮空拳而破百萬之軍何晏白起故事白
起雖坑虺卒向使預知必死則前驅空卷猶可畏也况
三千萬被堅執銳乎顏師古卷讀為拳者謬矣拳則屈
指不當言張陵時矢盡故張空之空
弓非手拳也李奇曰拳者鑿弓也
冒白刃北嚮爭死

敵者陵未沒時使有來報

史記曰陵至浚稽山使麾下
騎陳步樂還以聞步樂召見

遼陵將得十死
力上甚悅之

漢公卿王侯皆奉觴上壽後數

史記

曰

陵敗書聞主上為之食不甘味聽朝不怡大臣憂懼不

知所出僕竊不自料其卑賤見主上慘愴怛

鄰割切

悼誠

欲効其欵欵之愚

欵欵忠實之貌

以為李陵素與士大夫絕甘

分少

李經援神契曰母之於子絕少分甘宋均曰少則自絕甘則分之

能得人之死力

雖古之名將不能過也身雖陷敗彼觀其意且欲得其

當而報於漢

張晏曰欲得相當也言欲立功以當罪而報漢恩

事已無可奈何

其所推敗功亦足以暴

蒲沃切

於天下矣

謂推敗匈奴之兵其功足暴露

見於天下僕懷欲陳之而未有路適會召問即以此指推言

陵之功欲以廣主上之意塞

魚解切

眦

柴懈切

之辭

言欲廣主

上之意及塞屏臣眦眦之辭

未能盡明明主不曉以為僕沮貳師而

為李陵游說遂下於理

漢書曰初上遣貳師李廣利出令陵為助兵及陵與單于相值

貳師少功上以還誣罔欲沮貳師而為陵遊說下還庸用鄭玄禮記注曰理治獄官也

拳拳之忠

終不能自列

禮記子曰回得一善則拳拳服膺而弗失之矣鄭玄曰拳拳捧持之貌說文曰列分

解也因為誣上卒從吏議

言衆吏議以為誣上

家貧貨賂不足以自

贖交遊莫救視左右親近不為一言身非木石獨與法

吏為伍深幽囹圄之中誰可告愬者此真少卿所親見

僕行事豈不然乎李陵既生降隤其家聲

蘇林曰家世為將有名陵降而

隤之也顏師古曰隤墜也

而僕又侔之蠶室

如淳曰侔次也若人相次也人志切今諸本作

茸字蘇林注景紀曰作蠶室廣大如蠶室故言下蠶室

衡宏漢義以為置蠶官今承諸法云諸蠶室與罪人從

事主天下室者屬少府顏監云重為天下觀笑悲夫悲

耳推也人勇切推置蠶室之中

夫事未易一二為俗人言也僕之先人非有剖符丹書

之功

漢書曰漢初功臣剖符世爵又曰論功而定封訖於是中以丹書之信重以自焉之盟

文史

星厯近乎卜祝之間固主上所戲弄倡優所畜流俗之

所輕也

說文曰僞樂也左氏傳曰鮑氏之園人為優杜預曰俳優也

假令僕伏法受

誅若九牛亡一毛與螻蟻何以異

螻蟻站也蟻此也皆蟲之微者故曰自

喻而世俗又不與能死節者

與如也言時人以我之死不如能死節者言死無

止益次比特以為智窮罪極不能自免卒就死耳何也素

所自樹立使然也人固有一死或重於太山或輕於鴻

毛用之所趣異也

燕丹子荆軻謂太子曰烈士之節死有重於太山有輕於鴻毛者但問用

之所太上不辱先其次不辱身其次不辱理色

理道理色顏

在耳其次不辱辭令

辭謂言辭令謂飲令

其次詘體受辱

詘體謂被縲繫其

也色

次易服受辱

易服謂著赭衣

其次闕木索被箠楚受辱

漢書曰箠房五

尺說文曰箠以杖擊也箠與椎同以之笞人同謂之箠楚箠楚皆杖木之名也

其次剔毛髮嬰

金鐵受辱

謂髡鉗也

其次毀肌膚斷肢體受辱

謂肉刑也

最下腐

刑極矣

蘇林曰宮刑腐臭故曰腐刑

傳曰刑不上大夫此言士節不

可不勉勵也

禮記文也東方朔別傳武帝問曰刑不上大夫何朔曰刑者所以止暴亂誅不義也

大夫者天下表儀萬人法則所以共承宗廟而安社稷也

猛虎在深山百獸震恐及

在檻穽之中搖尾而求食積威約之漸也

周禮注曰穿地為塹所以

御禽獸其或超踰則陷焉尚書曰杜乃獲怨乃穽言威為人制約漸積至此

故士有畫地為

牢勢不可入削木為吏議不可對定計於鮮

平也

臣贊曰以

為患吏判暴雖木為吏期於不對此疾苛吏之辭也文顯曰未遇刑自殺為鮮明也

今交手足受

木索暴肌膚受榜箠幽於圜牆之中

廣雅曰榜擊也圜牆獄也周禮曰以

圜土教罷民

當此之時見獄吏則頭搶

七良切

地視徒隸則正

惕息何者積威約之勢也及以至是言不辱者所謂強顏

耳曷足貴乎且西伯伯也拘於羑里

史記曰季歷卒子昌立是為西伯西

伯文王也崇侯虎譖西伯於殷紂曰西伯積善德諸侯皆嚮之將不利於帝紂乃囚西伯於羑里王制曰九州

之長曰伯注

李斯相也具於五刑

史記曰李斯楚上蔡人也從荀卿學帝王

曰伯長也

之術入秦卒用其計二十餘年竟并天下以斯為水
相二世立以郎中趙高之譖乃具斯五刑要斬咸陽漢
書刑法志曰漢興之初其大辟尚有夷三族之令曰當
三族者皆先剗斬左右趾答殺之梟其首俎其骨肉於
市其誹謗罵詛者人斷
舌故言具謂五刑也 淮陰王也受械於陳漢書曰韓

都下邳信因行縣邑陳兵出入人有上變告信欲反上
聞患之用陳平謀偽遁雲夢信謁上於陳高祖令武士

縛信載後車信曰果若人言狡免死良狗烹上曰人告公
反遂械信至洛陽赦以為淮陰侯陳楚之西界也械謂桎

也 彭越張敖南面稱孤繫獄抵罪史記曰高祖立彭越
為梁王梁王稱疾上

使侯掩捕梁王因之洛陽漢書曰趙王張耳高祖五年
薨子敖嗣立尚高祖長女魯元公主七年高祖從平城
過趙趙王旦暮自上食體甚卑有子齊之禮高祖其踞
罵詈甚慢之趙相貫高趙午說敖曰天下豪桀竝起能

者先立今王事皇帝甚恭皇帝遇王無禮請為殺之八年上從東垣過貫高等乃壁人柏人安之置廁上過欲宿心動問縣名為何曰柏人上曰柏人者迫於人遂去貫高怨家知其謀反告之於是逮捕趙王諸反者趙午十餘人皆自刎貫高獨怒罵曰誰令公等為之今王寶無謀反檻車請詣長安高下獄曰吾屬為之王不知也絳侯誅諸呂權傾五伯囚於請室

史記曰絳侯周勃與陳平謀誅諸呂而立

考文後勿被囚已見李陵答蘇武書漢書音義如淳曰請室請罪之室若今之鍾下也

魏其大將

也衣赭衣關三木

三木在項及手足也魏其侯已見李陵答蘇武書周禮曰上罪桎梏而桎

應劭漢書注曰在手曰桎兩手同械曰拳在足曰季布

為朱家鉗奴

漢書曰季布楚人也為任俠有名項籍使將兵數窘漢王項籍滅高祖購求布千金

耿舍匿者罪三族布匿於濮陽周氏周氏曰漢求將軍
急臣敢進計布許之過死鉗布衣揭致廣柳車中與其
豕僮數十人之魯朱家賣之朱家心知季布也買置田
舍乃之洛陽見汝陰滕公說曰季布何罪臣各為其主
耳君何不從容為上言之滕公許諾待間灌夫受辱於
衆言如朱家事上乃赦布召見謝拜郎中

居室

漢書灌夫字仲孺潁陰人也為太僕時坐與衛尉
竇甫飲輕車不得徙為燕相及竇嬰失勢兩人相

為引重夫過丞相田蚡蚡曰吾欲與仲孺過魏其侯會
瑞有服夫曰將軍迎肯幸臨夫安敢以為解請語魏其
侯張具將軍旦日蚤臨之蚡許諾夫以語嬰嬰益牛酒
夜灑掃張具自旦候伺至日中蚡不來夫不憚夫乃自
往迎之蚡尚卧駕往入徐行夫益怒遂以為隙元光四
年蚡取燕王女為夫人太后詔曰列侯宗室皆往賀嬰
為壽夫行酒至蚡蚡半膝席曰不能滿觴天怒乃嚙言
曰將軍貴人也卑之時蚡不肯行酒大至臨汝侯灌賢

方賢程不識耳語又不避席夫無所發怒乃罵賢曰生
毀程不識不直一錢今日長者為壽迺放兒女曹姑罵
耳語訥謂夫曰今衆辱程將軍仲孺獨不為李將軍也
乎夫曰今日斬頭穴胃何知程李乎乃起訥遂怒曰此
吾驕灌夫罪也藉福起為謝按夫項令謝夫愈怒不肯
謝訥乃虎騎縛夫置傳舍長史曰今日召宗室有詔勅
灌夫罵坐不敬繫於居室如淳曰此人皆身至王侯將
百官表居室為保宮今守宮也

相聲聞鄰國及罪至罔加不能引決自裁在塵埃之中

古今一體安在其不辱也由此言之勇怯勢也強弱形

也審矣何足怪乎

孫子兵法曰治亂數也
勇怯勢也強弱形也

夫人不能早

裁繩墨之外以稍陵遲至於鞭箠之間乃欲引節斯不

亦遠乎古人所以重施刑於大夫者殆為此也夫人情

莫不貪生惡死念父母顧妻子至激於義理者不然乃

有所不得已也

言激於義理者則不念父母顧妻子也

今僕不幸早失父

母無兄弟之親獨身孤立少卿視僕於妻子何如哉

言已

輕妻子故反問之

且勇者不必死節

言勇烈之人不必死於名節也造次自我耳

怯

夫慕義何處不勉焉

言怯夫慕義以自立名何處不勉於死哉言皆勉勵自散

僕雖

怯懦欲苟活亦頗識去就之分矣何至自沉溺繆紕之

辱哉

孔安國曰繆紕墨索也繼學也所以拘罪人

且夫臧獲婢妾

晉灼曰臧獲敗敵所

破虜為奴隸韋昭曰羌人以婢為妻生子曰獲奴以善人為妻生子曰臧荆揚海岱淮濟之間罵奴曰獲齊之北鄙燕之北鄙凡人男而婦婢謂之臧女婦奴謂之獲皆異方罵奴婢之醜稱也由能引決沉

僕之不得已乎所以隱忍苟活幽於糞土之中而不辭

者恨私心有所未盡鄙陋沒世而文彩不表於後世也

論語曰君子疾沒世而名不稱古者富貴而名磨滅不可勝記唯個儻

非常之人稱焉廣雅曰個儻卓異也蓋文王拘而演周易周易曰

正當天王與紂之事邪又曰作易者其有憂患邪史記本紀曰崇侯譖西伯於殷紂曰西伯積善累德諸侯皆向之將有不利于帝紂乃囚西伯於羑里西伯演易之八卦為六十四地理志曰河內湯陰有羑里城西伯所

狗韋昭曰美音西蒼

頤篇曰演引之也

仲尼厄而作春秋

史記孔子曰吾道不行矣何以

自見於後世哉乃

屈原放逐乃賦離騷

史記曰屈原名平楚之同姓為

楚懷王左司徒博

文強志敏於辭令王甚任之上官大

夫與之同列心害其能懷王使原為憲令原草藁未定

上官大夫見而欲奪之不與讒之曰王使屈原為令衆

莫不知每令出平伐其功以為非我莫能為王也王怒

而跡之平病聽之

左丘失明厥有國語

漢書曰國語左

不聽作離騷經

丘明著失明未

詳

孫子臚脚兵法條列

史記曰孫臏與龐涓俱學兵法

乃陰使人召臏臏至涓恐其賢於已則以法刑斷其兩

足而黥之欲隱勿見齊使者田忌善客待之於是田忌

進孫子于威王威王問兵法而師之其後魏伐趙趙急請

救於齊齊威王欲將臏臏曰刑餘之人不可於是乃以

大司車全言

文選

文選

平

田忌為將而孫子為師居輔車中主為計謀田忌從之魏果去邯鄲與齊戰於桂陵遂大破魏軍不韋

遷蜀世傳呂覽

史記曰呂不韋大賈人也莊襄王即位三年薨太子正立為王尊不韋為相國

歸仲父當是時魏有信陵侯有春申趙有平原齊有孟嘗皆下士嘉賓以相傾呂不韋以秦之強大受其厚遇乃致食客三千人是時諸侯多辯士如荀卿之徒著書布於天下不韋乃使其客八人著所聞集論為八覽十二紀三十餘萬言以為備天下之物古今之事歸曰呂氏春秋布咸陽市門懸千金其上延諸侯遊士賓客有能增損一字與千金及始皇壯太后通不韋恐禍及已私求嫪毐為舍人詐令以腐罪告之遂得侍太后與太后通九年人告嫪毐實非宦者下吏治之得情實事連相國秦王恐其為變乃賜不韋書曰君何功於秦秦封君河南食十萬戶君何親於秦號稱仲父後與家屬徙處蜀飲鴆而死韓非囚秦說難孤

憤文記曰韓非者韓之公子也見韓稍弱以書諫王王不能用非心慮直不容於邪枉之臣觀往者得失之

變故作孤憤五蠹說難十餘萬言秦王見孤憤五蠹之書曰嗟乎寡人得見此人與游死不恨矣李斯曰此韓

非所著書秦因急攻韓韓乃遣非使秦秦王悅之未信用李斯姚賈毀之曰韓非韓之諸公子也今王欲并諸侯

非終為韓不為秦此人情也今王不用久留而歸之此自遺患也不如以過法誅之秦王以為然下吏治非李

斯使人遺藥使自殺韓非欲自陳不得見秦王後悔之使人赦而非已死矣說難孤憤韓子之篇名也詩

三百篇大底賢聖發憤之所為于偽切作也詩語曰詩三百孔安國曰

篇之大數也爾雅曰底致也郭璞曰音指此人皆意有所鬱結不得通其道

故述往事思來者言故述往前行事思今將來人知己之志及如左丘無目

孫子斷足終不可用退而論書策以舒其憤思垂空文

以自見

空文調文章也自見已情

僕竊不遜近自託於無能之辭

論語

子曰唯女子與小人為難養也近之則不遜

網羅天下放失舊聞略考其行

事綜其終始稽其成敗興壞之紀上計軒轅下至於茲

為十表本紀十二書八章世家三十列傳七十凡百三

十篇亦欲以究天人之際通古今之變成一家之言草

創未就會遭此禍惜其不成是以就極刑而無愠色僕

誠以著此書藏之名山傳之其人通邑大都

其人謂與已同志者

也
則僕償前辱之責雖萬被戮豈有悔哉然此可為智

者道難為俗人言也且負下未易居下流多謗議

負累之下

未易可居論語曰君子惡居下流而恥上者

僕以口語遇遭此禍重為鄉里

所戮笑以污

鳥卧切

辱先人亦何面目復工父母之丘墓

乎雖累百世垢彌甚耳是以腸一日而九迴居則忽忽

若有所亡出則不知其所往

莊子曰哀公問仲尼曰衛有惡人焉曰哀駘佗去寡

人而行寡人恤焉若有亡也庚桑子曰吾聞至人尸居環堵之室不知所如往

每念斯恥汙未

嘗不發背露衣也身直為閭閻之臣寧得自引深藏巖

穴邪故且從俗浮沉與時俯仰以通其狂惑謂子曰吾

也知善不行者謂之狂惑不改者謂之惑夫狂與惑者聖人之戒也今少卿乃敢以推賢

進士無乃與僕私心刺力切割謬乎今雖欲自雕琢曼辭

以自飾

如淳曰曼笑也戰國策蘇秦曰夫從人飾辨曼辭高生之節行曼音萬

無益於俗

不信祇足取辱耳要之死日然後是非乃定書不能悉
意略陳固陋謹再拜

報孫會宗書

楊子幼

漢書云楊惲字子幼華陰人以才能稱譽為常侍騎與太僕戴長樂相失坐事

元為庶人憚見已失爵位遂即歸家閒居自
治產業起室以財自娛歲餘友人安定太守
西河孫會宗與憚書誠諫之言大臣廢退當
杜門惶懼為可憐之意不當治產業通賓客
有稱譽憚乃
作此書報之

憚材朽行穢文質無所底

論語曰文質彬彬然後君子
包氏曰彬彬文質相半之貌

也底幸賴先人餘業得備宿衛遭遇時變以獲爵位
致也

曰霍氏謀反憚先聞知霍氏伏誅憚封為平通侯終非其任卒與禍會足下哀

其愚矇賜書教督以所不及爾雅曰督正也慙慙甚厚然竊恨

足下不深惟其終始而猥隨俗之毀譽也猥猶曲也言鄙陋

之愚心則若逆指而文過

言逆會宗之指自文飾已之過論語子曰小人之過也必

天孔安國曰文飾其過不言實也

默而自守恐違孔氏各言爾志之義

論語曰顏淵季路侍子曰盍各言爾志

故敢略陳其愚唯君子察焉惲家

方隆盛時乘朱輪者十人

二千石皆得乘朱輪

位在列卿爵為通

侯總領從官

應邵曰舊日徹侯避武帝諱故為通言其功德通於王室也從天子侍從官也

與聞政事曾不能以此時有所建明以宣德化

又不能與羣僚同心并力陪輔朝廷之遺忘已負竊位

素餐之責久矣

論語子曰臧文仲其竊位者歟知柳下惠之賢而不與立毛詩曰彼君子兮不

素餐
今懷祿貪勢不能自退

曾子曰君子不安貴位不懷厚祿

遂遭變故

橫被口語身幽北闕妻子滿獄

口語即戴長樂所告也如淳漢書注曰上章者

於公車有不如法者以付北軍尉北軍尉以法罰之楊惲上書遂幽北闕公車門所在也

當此之時

自以夷滅不足以塞責

史記司馬欣謂章邯曰趙高欲以法誅將軍塞責

豈得

全其首領復奉先人之丘墓乎

左氏傳宋公曰若以大之靈得保首領以沒

地于伏惟聖王之恩不可勝量君子遊道樂以忘憂

史記陳

平遊道日廣論語曰樂以忘憂

小人全軀說以忘罪

楚辭曰與波上下偷以全吾軀乎

竊自念過已大矣行已虧矣長為農夫以沒世矣是故

身率妻子戮力耕桑

國語曰戮力一心

灌園治產以給公上

蘇林漢書

注曰亢縣官之賦歛

不意當復用此譏議也夫人情所不能止者

聖人弗禁故君父至尊親送其終也有時而既

終謂終次也既

盡也張晏漢書注曰喪不過三年臣見放逐降后三月復初

臣之得罪已三年矣田

家作苦歲時伏臘

漢書曰秦繆公作伏祠孟康曰六月伏日也風俗通禮傳曰夏曰嘉平殷

曰清祀周曰大蜡故改為臘

烹羊炮羔斗酒自勞家本秦也能為秦

聲婦趙女也雅善鼓琴奴婢歌者數人酒後耳熱仰天

撫缶而呼嗚嗚

應劭漢書注曰缶瓦器也秦人擊之以節歌李斯上書曰擊甕扣缶而呼嗚嗚

以耳者真
恭聲也

其詩曰田彼南山蕪穢不治種一頃豆落而

為箕

展晏漢書注曰山高在陽人君之象也蕪穢不治
朝廷荒亂也一頃百畝以喻百官也言豆者貞直

之物零落在野喻已見放棄也箕曲而不直言朝臣皆
諂諛也臣瓚按田彼南山蕪穢不治言於王朝而遇民
亂也種一頃豆落而為箕雖
盡忠効節徒勞而無獲也

人生行樂耳須富貴何時

是日也拂衣而喜奮袖低昂頓足起舞誠荒淫無度不

知其不可也憚幸有餘力方糴賤販貴逐什一之利

什一

謂十中之一也尚書大
傳曰王者什一而稅

此賈豎之事汚

鳥卧切

辱之處憚

親行之下流之人衆毀所歸

言處下流為
衆惡毀所舉

不寒而慄雖

雅知憚者猶隨風而靡尚何稱譽之有

楚辭曰世從容而變化隨風靡

而成

董生不云乎明明求仁義常恐不能化民者卿大

夫之意也明明求財利常恐困乏者庶人之事也

漢書董仲

舒對策曰大皇皇求財初帝恐匱乏者庶人之意也皇皇求仁義常恐不能化人者大夫之意也

故道

不同不相為謀今子尚安得以卿大夫之制而責僕哉

論語曰道不同不相為謀言今我親行賈豎之事安得責我卿大夫之制也

夫西河魏土文

侯所興有段干木田子方之遺風

史記李克謂翟璜曰魏成子東得子夏田

子方段干木此三人者君皆師之

凜然皆有節槩知去就之分項者足

下離舊土

謂去西河

臨安定安定山谷之間昆夷舊壤

元詩曰文

王西有昆夷之患北有獫狁之難鄭玄曰昆夷西戎也

子弟貪鄙豈習俗之移

人哉

言豈隨懷安貪鄙之俗而移人性之本者哉

於今乃睹子之志矣方當

盛漢之隆願勉旃無多談

論盛孝章書

孔文舉

與魏太祖虞預會稽典錄曰盛憲字孝章器量雅偉舉孝廉補尚書郎吳郡太

守以疾去官孫策平定吳會誅其英豪憲素有名策深忌之初憲典少府孔融善憂不免禍乃與曹公書由是徵為都尉詔命未至果為權所害于匡弁魏位至征東司馬

歲月不居時節如流

國語文姜曰日月不居人誰不安
傳歌詩曰徂年如流勸茲暇日

五十之年忽焉已至公為始滿融又過二

公謂曹操言
公年始滿五

十融過於
二歲也

海內知識零落殆盡惟會稽盛孝章尚存其

人困於孫氏妻孥湮沒

孫氏已見上文毛詩曰樂爾妻
孥孔安國尚書大傳曰孥子也

單子獨立孤危愁苦若使憂能傷人此子不得復永年

矣春秋傳曰諸侯有相滅亡者桓公不能救則桓公恥

之

公羊傳曰邢亡孰亡之蓋狄滅也蜀為不言狄滅之
為桓公諱也蜀為為桓公諱上無天子下無方伯天

下諸侯有相滅亡者桓
公不能救則桓公耻之

今孝章實丈夫之雄也天下談

士依以揚聲而身不免於幽繫命不期於旦夕是吾祖

不當復論損益之友而朱穆所以絕交也

論語子曰益者三友損者

三友吾祖即謂孔子也後漢朱穆感世澆薄莫尚敦厚著絕交論以矯之

公誠能馳一介之

使加咫尺之書

左氏傳晉行人子員對鄭王子伯駢曰君有楚命不使一介行李告於寡君漢

書廣武君曰發一乘之使奉咫尺之書

則孝章可致友道可弘矣今之少

年喜謫前輩或能譏評孝章孝章要為有天下大名九

牧之人所共稱歎

九牧猶九州也左氏傳王孫滿曰貢金九牧孫卿子曰文王鑒於殷紂此

其所以伐殷王而受九牧也

燕君市駿馬之骨非欲以騁道里乃當

以招絕足也

戰國策郭隗謂燕昭王曰臣聞古之人君有市千里馬者三年而不得於是遣使者

賈千金之貨將市於他國未至而千里之馬已死使者乃以五百金買死馬之骨以歸其君大怒曰所求者本不市死馬何故損金市死馬乎將誅之使者對曰死馬尚市之況生者乎天下必知君之好也馬將至矣於是募年而千里馬至者三馬惟公匡復漢室宗社將絕又能正之正之

之術實須得賢珠玉無經

胡定切

而自至者以入好之也

況賢者之有足乎

韓詩外傳曰蓋胥謂晉平公曰珠出於海玉出於山無足而至者好之也

士有足而不至者君不好也

昭王築臺以尊郭隗隗雖小才而逢大

遇竟能發明主之至心故樂毅自魏往劇辛自趙往鄒

衍自齊往

史記曰燕昭王於破燕之後卑身厚幣以禮賢者謂郭隗曰齊國孤之國亂而襲破燕孤

知國小力少不足以報然誠得賢士與共圖以雪先王之讐也願先生視可者得身事之隗曰王必欲致士先從隗始况賢於隗者豈遠千里哉於是昭王為隗改築宮而師事之樂毅自魏往鄒衍自齊往劇辛自趙往

向使郭隗倒懸而王不解

易璧切

臨溺而王不拯

孟子曰

時萬乘之國行仁政民悅而歸之猶解倒懸也又曰今燕虛其民而王征之人以為將拯已於水火之中也

則士亦將高翔遠引莫有北首

音獸燕路者矣漢書廣武君曰牛酒

以享士大夫北首燕路

凡所稱引自公所知而復有云者欲公崇

篤斯義因表不悉

為幽州牧與彭寵書

朱叔元

范曄後漢書曰朱浮字叔元沛國蕭人也初從世祖為大司馬主簿遷偏將軍

從破邯鄲後乃為大將軍幽州牧守薊城浮少
有才能頗欲勵正風迹叔元心辟召州中涿郡
王奉之屬以為從軍事及王莽時故吏二千
石皆引幕府乃多發諸郡倉穀贍其妻子漁
陽太守以為天下未定不宜多置官屬以費
軍食不從其令將密奏寵遣吏迎妻而不迎
其母人受貨賄殺害友人多聚兵殺意計難
聖寵既積怨聞遂大怒舉兵攻浮浮以書責
之

蓋聞智者順時而謀愚者逆時而動常竊悲京城太叔

以不知足而無賢輔卒自棄於鄭也

左氏傳曰鄭武公生莊公共叔段姜氏愛

共叔段欲立之亟請於武公公弗許及莊公即位為之請制公曰制巖邑也虢叔死焉他邑唯命請京使居之

謂之京城太叔既而太叔令西鄙北鄙貳於己公子呂曰國不堪貳君將若之何公曰不義不昵厚將崩太叔克聚繕甲兵具卒乘將襲鄭公聞其期曰可矣命子封帥車二百乘以伐京京叛太叔段段入于鄆公伐諸鄆五月辛丑太叔出奔共

書曰鄭伯克段于鄆

伯通以名字典郡有佐命之功

名字謂舉聲遠聞也漢書曰陳遵劉歆俱著名字佐命已見李陵書

臨民親職愛惜倉庫

而得秉征伐之任欲權時救急

言朱浮所以招致賓客者此亦權時救急也

二者皆為國耳即疑浮相譖何不詣闕自陳而為滅族

之計乎朝廷之於伯通

恭嘗獨斷云朝廷者不取指斥君故言朝廷

思亦厚

矣委以大郡任以威武事有柱石之寄情同子孫之親

漢書大司農田延年胡
震光曰將軍為國柱石

匹夫媵母尚能致命一食

左氏宣公

二年傳曰初趙宣子畋于山見靈輒餓問其病對曰不
食三日矣食之舍其半問之曰宦三年矣未知母之存
否今近矣請以遺使盡之而為之簞食與肉既而與為
公介靈公比以趙盾驟諫伏甲將攻殺之靈輒乃倒戟
以禦之又戰國策曰楚王伐中山中山君亡有二人荷
戈而從之中山君顧二人曰子何為者對曰昔臣之父
膏餓且死君捨食以鋪臣父臣之父且死曰中山君有
事汝必赴之是以今來死君之難中山君曰以一杯羹
而亡國以一食而獲
二死士媵母未詳

豈有身帶三綬職典大邦而不顧

恩義生心外叛者乎

三綬者古人兼官者一官一綬范曄後漢書曰更始使謁者韓鴻持節徇北州

承制得專拜二千石以下鴻至薊以寵鄉閭故人相見大喜拜寵偏將軍行漁陽太守世祖又以書招寵寵乃發步騎三

千人歸世祖世祖承制封建忠侯賜號大將軍伯通與吏民語何以為顏行步起拜

何以為容坐卧念之何以為心引鏡窺形何以施眉目舉措建功何以為人惜乎棄休令之嘉名造梟鴟之逆謀捐

傳葉之慶祚招破敗之重災高論堯舜之道不忍桀紂

之性生為世笑死為愚鬼不亦哀乎伯通與耿俠遊

范曄

後漢書曰吳漢說寵從世祖會上谷太守耿況亦使功曹寇恂詣寵結謀共歸世祖子曰況字俠遊俱起

佐命同被國恩俠遊謙讓屢有降挹之言

蒼頭篇曰挹損也

而

伯通自伐以為功高天下

孔安國尚書傳曰自功曰伐

往時遼東有

承生子白頭異而獻之行至河東見羣豕皆白懷慙而

還若以子之功論於朝廷則為遼東豕也

白頭豕未詳

今乃

愚妄自比六國

張晏漢書注曰齊燕楚韓趙魏

六國之時其勢各盛廓

土數千里勝兵將百萬故能據國相持多歷年所今天

下幾里列郡幾城奈何以區區漁陽而結怨天子

區區言小

也公羊傳曰以區區之宋猶有不欺之臣

此猶河濱之民捧土以塞孟津多

見其不知量也

論語曰叔孫武叔毀仲尼子貢曰仲尼日月也無得而踰焉人雖欲自絕其何

傷於日月乎多見其不知量也

方今天下適定海內願安士無賢不肖

皆樂立名於世而伯通獨中風狂走自捐盛時內聽嬌

婦之失計外信纓邪之諛言

東觀漢記曰浮密奏寵上微之寵既自疑其妻勸寵

無應微今漁陽大郡兵馬衆多奈何為人所奏而系此去寵與所親信吏計議吏皆怨浮勸寵止不應微長

為羣后惡法永為功臣鑒戒豈不誤哉

戒本云永為羣后惡法今檢范

璽後漢書有此一句然東觀漢記亦載此書大義雖同辭旨

全別蓋祿事者取舍有詳略矣

定海內

者無私讐勿以前事自疑願留意顧老母少弟凡舉事

無為親厚者所痛而為見讐者所快

范曄後漢書曰寵齋獨在使室蒼頭

子密等三人因寵卧床共縛着牀又以寵命呼其妻妻八大驚昏夜後解寵手令作記告城門將軍云遣子密等至子后蒲卿所速開門出勿稽留之書成即斬寵及妻頭置囊中便持記馳出城因以詰關封為不義侯

為曹洪與魏文書

魏志曰曹洪字子廉太祖從弟

陳孔璋

陳琳集曰琳為曹洪與文帝牋文帝集序曰上平定漢中族父都護還書與余

盛稱彼方土地形勢觀其辭如陳琳所叙為也

十一月五日洪白前初破賊情侈意奢說事頗過其實

得九月二十日書

得文帝書

讀之喜笑把玩無厭亦欲令陳

琳作報琳頃多事不能得為念欲遠以為勸故自竭老

夫之恩

左氏傳趙孟曰老夫罪戾是懼

辭多不可一二麓舉大綱以當

談笑漢中地形實有險固四嶽三塗皆不及也

左氏傳司馬侯

曰四嶽三塗九州之險也杜預曰東嶽岱南嶽衡西嶽華北嶽恒三塗在河南陸渾縣南

彼有精甲

數萬臨高守要一夫揮戟萬人不得進

漢書朱買臣曰一人守險千人不

工得

而我軍過之若駭鯨之決細網奔兕之觸魯縞

漢書韓安

國曰強弩之末力不能穿魯縞音義曰縞曲阜之地俗善作之既皆輕細故以喻之爾雅曰縞之細者曰縞

未足以喻其易雖云王者之師有征無戰不義而彊古

今常有

漢書淮南王安尚書曰臣聞天子之兵有征無戰言莫之敢校

故唐虞之世蠻

夷猾夏

尚書舜典曰咎繇蠻夷猾夏寇賊姦宄

周宣之盛亦嘗大邦

毛詩曰蠢

爾雅刑大邦為讐

詩書歎載言其難也斯皆憑阻恃遠故使其

然是以察茲地勢謂為中材處之殆難倉卒

司馬遷報任少卿書

曰夫中才之人事有闕於宿豎者莫不傷氣

來命陳彼妖惑之罪叙王師曠

蕩之德豈不信然

文帝答洪書曰今魯包山邪之心群蠢惑之政天兵神討師徒無暴獲牧

不臨是夏殷所以喪苗扈所以斃

尚書帝曰茲禹惟時有苗不率汝祖征乂曰啓

與有扈戰於甘之野

我之所以克彼之所以敗也不然商周何以

不敵哉

左氏傳闕廬曰師克在和不在衆商周之不敵君之所聞也

昔鬼方聾昧崇

虎讒凶殷辛暴虐三者皆下科也

三科之中此等為下科

然高宗

有三年之征文王有退修之軍孟津有再駕之役

周高

宗之伐鬼方三年克之左氏傳曰子魚言於宋公曰文

王聞崇德亂伐之軍三旬而不降退而修德復伐之因

要而降書曰惟十有一年武王克

殷又曰一月戊午師渡孟津然後殪戎勝殷有此

武功

尚書曰天乃大命文王殪戎殷誕受厥命

未有星流景集飈奮霆擊長

驅山河朝至莫捷若今者也

戰國策曰衆敵輕卒銳兵長驅至齊

由此觀

之彼固不逮下愚

彼張魯也下愚指鬼方等

則中才之守不然明矣

在中才則謂不然

若中才守之則不可得也

而來示乃以為彼之惡

稔雖有孫田墨篋

力而切

猶無所救竊又疑焉

大帝答書洪書曰今

魯罪魚苗桀惡稔屬芥縱使宋翟妙機械之巧四軍騁奔牛之狂孫吳勒八陣之變猶無益也

何者古

之用兵敵國雖亂尚有賢人則不伐也是故三仁未去

武王還師

論語曰微子去之箕子為之奴比干諫而死孔子曰殷有三仁焉史記曰周武王東觀兵

於孟津諸侯皆曰紂可伐矣武王曰未知天命未可也乃還師聞殷王子比干囚箕子於是曰殷有重罪不可

不伐宮奇在虞晉不加戎

左氏傳曰晉侯假道於虞以伐虢宮之奇諫曰虢虞之表也虢

亡必從之勢所謂輔車相依唇亡齒寒虢之謂乎弗聽宮之奇以其族行曰虞不臘矣在此行也不再舉矣

季梁猶在強楚挫謀

左氏傳曰楚王侵隨隨使少師董成闕伯比言於楚子曰吾不得志

於漢宋也我則使然我張吾三軍而被吾甲兵以武臨之漢宋之國隨為大隨張必棄小國小國離楚之利也

請羸師以張之熊率且叱曰季梁在何益注曰季梁隨賢臣也暨至衆賢奔絀勅律三

國為墟明其無道有人猶可救也且夫墨子之守縈帶

為垣高不可登折箸為械堅不可入

墨子曰公輸為雲梯必取宋於是見

公輸九設攻城之機變墨子九距之公輸般之攻城械盡子墨子之守圍有餘公輸般出而曰吾知所以距子

矣吾不言子墨子亦曰吾知子之所以距我者吾不言之王問其故子墨子曰公輸子之意不過欲殺臣殺臣

宋莫能守乃可攻也然臣之弟子禽滑釐三百人已持守圍之器在宋城上而待楚寇矣雖殺臣不能絕也楚

王曰善吾請無攻也

若乃距陽平據石門

周地圖記曰褒谷西有古陽平關劉淵林蜀都賦

注曰石門在漢中之西

據八陣之列騁奔牛之權

雜兵書曰八陣一日方陣二日

圓陣三日壯陣四日北陣五日衝陣六日輪陣七日浮沮陣八日雁行陣史記曰田單為將軍破燕城時以千餘牛為絳繒衣画以五綵龍文求兵刃於角灌脂束葦於尾燒之鑿城數十穴夜縱牛壯士五千人隨其後牛尾熱志而奔燕軍夜大驚牛尾炬火光明炫耀燕軍視之皆龍文所觸盡死傷五千人因銜枚擊之而城中鼓譟從之老弱皆挈銅器為聲動天地燕軍大駭敗走齊人遂夷殷其將騎劫燕軍大亂奔走齊人追亡逐北所過城邑叛燕歸田單而齊七十餘城皆復為齊乃迎襄王於宮

焉肯土崩魚爛哉

漢書

徐樂上書曰臣聞天下之患在於土崩公羊傳曰其設言梁亡何自亡也魚爛而亡何休注曰魚爛自內發

今守無巧拙皆可攀附則公輸已陵采城樂毅已拔即

墨矣墨翟之術何稱田單之智何貴老夫不敏未之前

聞

左氏傳趙孟曰老夫罪戾是懼禮記檀弓曰我未之前聞

蓋聞過高唐者効王豹

之謳

孟子淳於髡曰昔王豹處於淇而西河善謳餘駒處高唐而齊右善歌按此文當過高唐者效綿駒

之歌但文遊睢息惟切

渙者學藻續之綵

陳留記曰襄邑渙水出其南睢

水經其北傳云睢渙之間出文章故其

間自八益部仰

司馬楊王遺風有子勝斐然之志

司馬相如楊雄王褒也墨子曰二三子復

於子墨子曰告子勝仁子墨子曰木必然也告子為仁猶政以為長僮以為廣不可久也論語曰吾黨之小子

狂簡斐然成章故頗奮文辭異於他日怪乃輕其家丘謂為倩

切七靖人邴原別傳曰原遊學詣孫菴菴曰君以鄭君而舍之以鄭君為東家丘也原曰君以鄭君為東

家丘以僕為西家愚夫邪是何言歟夫駮驥垂耳於垆牧市屈原曰驥垂兩耳

服鹽車爾雅曰野外謂之垆鴻雀戢翼於汚池周禮有牧田鴻雀鳥之通稱也

毛詩曰鴛鴦在梁戢在左翼列于楊朱謂梁王曰鴻雁高飛不集汚池衰之者固以為園

囿之凡鳥外廐之下乘也穀梁傳晉荀息曰君何不以屈產之乘借道乎公曰此晉

國之寶也荀息曰取之中廐置之外廐及其整蘭筋相馬經云一筋從玄中出謂之蘭筋玄中

者同上陷如井字蘭筋豎者千里揮勁翮陵厲清浮顧盼千里豈可謂

其借輸於晨風假足於六駮哉

爾雅曰晨風鷦也毛詩曰鷦有六駮毛萇曰駮

如馬佛牙
食虎豹

恐猶未信丘言必大噓也洪白

孟康漢書曰丘空也此

雖假孔子名而實以空為戲也或無丘言二字漢書曰趙季諸侍中皆談笑大噓說文曰噓大笑也



文選卷四十一

欽定四庫全書

集部

文選卷四十二
至

詳校官庶吉士臣汪彥博

助教臣常循覆勘

總校官檢討臣何思鈞

校對官編修臣勵守謙

謄錄監生臣薛夢陽

欽定四庫全書

文選卷四十二

梁蕭統編

唐李善註

為曹公作書與孫權

真書曰孫策初與魏武俱事漢策薨周瑜魯肅諫權曰承

父兄餘資兼六郡之衆兵精糧多何區區而受制於人也權遂據江東西連蜀漢與劉備扣親故作書與權望得來同事漢也

阮元瑜

魏志曰阮瑀字元瑜宏才卓逸不羣於俗太祖為司空召為軍謀祭酒又管記

室書檄多瑀所作又轉丞相倉曹屬卒文章志曰陳留人也

離絕以來于今三年無一日而忘前好亦猶姻媾之義

恩情已深

爾雅曰壻之父曰姻婦之父曰婚毛詩箋曰重婚曰媾吳志曰策并江東曹公力未能逞

且欲撫之乃以弟女配策小弟匡又為子章取賁女皆禮辟策弟權翊又命揚州刺史嚴象舉茂才違異

之恨中間尚淺也孤懷此心君豈同哉每覽古今所由

改趣因緣侵辱或起瑕釁心忿意危用成大變

心既忿恨意不

自若韓信傷心於失楚彭寵積望於無異

漢書曰高祖徙信為楚王

後以為淮陰侯信知漢畏其能稱疾不朝由此日怨陳
稀反高祖自將往信陰使人之稀所而與家臣謀夜詐
赦諸宮徒奴欲發兵襲呂后太子范曄後漢書曰光武
至薊彭寵上謁自負功德光武接之不能滿以此懷不

平光武知之以問幽州牧李浮對曰陛下肯倚為北
道主人寵謂至當廷問握手交歡並坐今既不然所以
失望
盧綰嫌畏於已隙英布憂迫於情漏此事之緣也

漢書曰上立盧綰為燕王初上如邯鄲擊陳豨燕王盧
綰亦擊其東北豨使王黃求救於匈奴匈奴使其臣張勝
於匈奴勝至胡燕王臧荼子衍亡在胡見勝曰公何不
令燕且緩豨而與胡和事寬得長王燕勝以為然無令
匈奴兵擊燕綰疑勝與胡反上書請族勝勝還報具道
所以為者綰寤廼詐論他人以脫勝家屬使得為匈奴
間而陰使范齊之豨所欲令連兵無決漢既斬豨其裨
將降言燕王綰使范齊通謀豨所上使使召綰綰稱病
於是上曰綰果反矣乃遣樊噲伐燕又曰黥布為淮南
王漢誅梁王彭越威其醢以徧賜諸侯至淮南王王大
恐陰令人部聚兵伺旁郡警急貢赫為布中大夫上變
言布謀反有端可先未發誅也淮南王疑其上言國陰

事漢使又來頗有所
驗遂族赫家發兵反
孤與將軍恩如骨肉割授江南不

屬本州宣若淮陰捐舊之恨
揚州舊屬江南江南之地
盡屬焉今魏徙揚州於壽

春而孫權全有江南之地故不屬本州也江都國經曰
江西壽春屬魏魏揚州刺史鎮壽春捐舊或為捐奪誤

也抑遏劉馥相厚益隆寧放朱浮顯露之奏
魏志曰劉馥字元穎

沛國人也太祖方有袁紹之難謂馥可任以東南之事
遂為揚州刺史後漢書曰朱浮為幽州牧奏漁陽守彭

寵多買兵器不
迎毋寵遂反
無匿張勝貸
他改
故之變
張勝有故於
胡盧縮匿之

而如思貸也
匪有陰構賁
音肥
赫之告固非燕王淮南之

釁也而忍絕王命明棄碩交實為佞人所構會也
史記蘇秦

謂齊王曰此棄仇讐而得石交者也夫似是之言莫不

碩與石古字通論語子曰遠佞人

動聽因形設象易為變觀戰國策曰曾參殺人人有告

母又不信須臾又有人告之母乃投杼而起

示之以禍難激之以耻辱大丈夫

雄心能無憤發

吳志曰周瑜云受制於人豈與南面稱孤同哉

昔蘇秦說韓

羞以牛後韓王按劍作色而怒雖兵折地割猶不為悔

人之情也

戰國策蘇秦為楚合從說韓王曰臣聞鄙諺曰寧為雞口不為牛後今西面交臂而臣事

秦何以異於牛後也夫以大王之賢也扶強韓之名臣竊為大王羞之韓王忿然作色攘臂仰天曰寡人雖死其不事秦廷叔堅戰國策注曰尸雞仁君年壯氣盛緒中王也從牛子也從或為後非也

信所嬖

楚辭曰竊悲申包胥之氣
戴宋均詩緯注曰緒業也

既懼患至兼懷忿恨

不能復遠度孤心近慮事勢遂齎見薄之決計秉翻然

之成議加劉備相扇揚事結繫連推而行之想暢本心

不願於此也

周易曰推而行之存乎道

孤以薄德位高任重幸蒙國

朝將泰之運蕩平天下懷集異類

家語注曰異類夷狄也

喜得全

功長享其福而姻親坐離厚援生隙

漢書谷永曰因而生隙

常恐

海內多以相責以為老夫苞藏禍心陰有鄭武取胡之

詐

左氏傳趙孟曰老夫罪戾是懼焉能恤遠又曰楚公
子圍聘于鄭鄭使行人子羽與之言曰大國無乃苞

藏禍心以圖之韓子曰昔者鄭武公伐胡先以其子妻胡君以娛其意固而問其羣臣曰吾所用兵誰可伐者大夫閻其思對曰胡可武公怒而戮之曰胡兄弟之國也子言伐之何胡君聞之以鄭親已遂不備鄭鄭人襲之胡取乃使仁君繼然自絕以是忿忿懷慙反側常思除棄小

事更申前好

小事忿恨前好謂婚姻

二族俱榮流祚後嗣以明雅

素中誠之效抱懷數年未得散意昔赤壁之役遭離疫

氣燒船自還以避惡地非周瑜水軍所能抑挫也江陵

之守物盡穀殫無所復據徙民還師又非瑜之所能敗

也

赤壁地名在荊州下吳志曰曹公臨荊州權遣周瑜程普為左右督各領萬人與劉備俱進遇於赤壁大

破曹公軍燒其餘船引退士卒饑疫死者大半備瑜等
復追至南郡公遂北還留曹仁於江陵瑜仁相守歲餘
所殺傷甚衆
荆土本非已分我盡與君冀取其餘言荆

仁委城走
王非我所分今盡以與
非相侵肌膚有所割損也列子

君寶冀取其餘地耳
陽謂禽子曰有侵若肌膚獲
思計此變無傷於孤何必

萬金者若為之乎曰為之
自遂於此不復還之
言我尚冀君之餘地何必
高帝設

爵以延田橫光武指河而誓朱鮪蔡美切
君之負累豈如二

子漢書高帝紀曰初田橫攻彭越項羽已滅橫懼誅與
賓客亡入海王恐其久為亂遣使赦橫曰橫來大者

王小者侯謝承後漢書曰光武攻洛陽朱鮪守之上令
岑彭說鮪曰赤眉已得長安更始為胡殷所反害今公

誰為守鮪曰大司徒公被害鮪與其謀誠知罪深不敢降耳彭還白上上謂彭復往明曉之夫建大事不忌小恐今降官爵可保況誅劉乎上指水曰河水在此吾不食言是以至情願聞德音詩

曰彼美孟姜德音不忘往年在譙新造舟船取足自載以至九江

貴欲觀湖澤之形定江濱之民耳

魏志曰建安十四年二月軍至譙作輕舟

治水軍自渦入淮出肥水吳志曰初曹公恐江濱郡縣為權所畧微令內移轉相警備自廬江九江蘄春廣陵十餘萬皆東渡江江西遂虛合肥以南唯有皖城裴松之吳志注曰淝祖了切非有深入攻戰

之計將恐議者大為已榮

左氏傳楚子曰安入之亂以為已榮

自謂策得

長無西患重以此故未肯迴情然智者之慮慮於未形

達者所規規於未兆

金匱曰明者見於未萌智者避危於無影

是故子胥知

姑蘇之有麋鹿輔果識智伯之為趙禽

漢書伍被謂淮南王曰昔伍子

胥諫吳王曰臣今見麋鹿遊姑蘇之臺也越絕書曰姑蘇臺名夫差所造高見三百里戰國策曰智伯與韓魏圍趙於晉陽張孟談陰見韓魏之君曰智伯伐趙趙亡則二君為之次二君乃與孟談陰約夜遣人入晉陽智果見二君說智伯曰二主色動而變必背君矣不如殺之智伯曰不可智果見言之不聽出便易姓為輔氏

穆生謝病以免楚難鄒陽北遊不同吳禍

漢書曰穆生不嗜酒楚王

戊常設醴後忘設焉穆生退曰可以逝矣遂謝病去後戊乃與吳王通謀遂應吳王反又曰鄒陽仕吳吳王有邪謀陽奏書諫吳王王不納去之梁從孝王遊北四士者豈聖人哉徒通變思

深以微知著耳

范子計然曰見微知著

以君之明觀孤術數量君

所據相計土地宣勢少力乏不能遠舉割江之表晏安

而已哉甚未然也若恃水戰臨江塞要欲令王師終不

得渡亦未必也夫水戰千里情巧萬端越為三軍吳曾

不禦漢潛夏陽魏豹不意江河雖廣其長難衛也

左氏傳曰

越子伐吳吳子禦之笠澤夾水而陳越子為左右勾卒使夜或左或右鼓譟而進吳師分以禦之越子以

三軍潛涉當吳中軍而鼓之吳師大亂遂敗之漢書曰韓信為左丞相進擊魏王豹魏王豹盛兵蒲坂塞臨晉

信乃益為疑兵陳船欲渡至於臨晉而伏兵從夏陽以木罌渡軍襲安邑魏王豹驚張兵迎信遂虜豹而歸

凡事有宜不得盡言將修前好而張形勢更無以威脅

重敵人

重威重也言以威重迫脅敵人

然有所恐恐書無益何則往者

軍逼而自引還今日在遠而興慰納辭遜意狹謂其力

盡適以增驕不足相動但明效古當自圖之耳昔淮南

信左吳之策

漢書曰淮南王安謀反日夜與左吳等按輿地圖部署兵所從出入

隗囂納

王元之言

范曄後漢書曰隗囂字季孟天水人更始亂隗亡歸天水招聚其民自稱西州上將軍遣

子徇詣關

囂將士元說囂曰天水允富天下士馬最強元請一丸泥東封函谷此萬世一時也囂心然元計遂

反彭寵受親吏之計

彭寵已見朱浮與彭寵書

三夫不寤終為世笑

梁王不受詭勝竇融斥逐張玄二賢既覺福亦隨之願

君少留意焉

漢書曰梁孝王怨袁盎迺與羊勝公孫詭之屬陰使人刺殺袁盎天子意梁逐賊果

梁使之遣使覆案梁事捕公孫詭羊勝皆匿王後宮韓安國泣諫王王乃令出之勝詭皆自殺梁王使韓安國因長公主謝上怒稍解范曄後漢書曰竇融字周公扶風人也行西河五大郡大將軍事遙聞光武即位心欲東向隗囂使辯士張玄遊說西河曰今各據土宇與隴蜀合從高可為六國下不失公佗融召豪傑計議遂決策東向奉書獻馬光武賜融璽綬

為梁州牧封安豐侯後遷大司空

若能內取子布外擊

劉備

吳志曰張昭字子布

以致赤心用復前好則江表之任長以

相付高位重爵坦然可觀上令聖朝無東顧之勞下令

百姓保安全之福君享其榮派受其利豈不快哉若忽

至誠以處僥倖婉彼二人不忍加罪婉猶親愛也二人劉備張昭也所

謂小人之仁大人之賊大雅之人不肯為此也韓子曰行小忠

則大忠之賊也班固漢書贊曰大雅卓爾不羣河間獻王近之矣若憐子布願言俱存

亦能傾心去恨順君之情更與從事取其後善史記曰王溫舒

徒諸名禍猾吏與從事廣雅曰從行也但禽劉備亦足為效開設二者審

處一馬聞荆揚諸將並得降者皆言交州為君所執豫

章距命不承執事吳志曰孫輔字國儀假節交州刺史遣使與曹公相聞事覺權幽繫之數

歲卒又曰劉繇字正禮避亂淮浦詔遣
為揚州刺史繇不敢之州遂南保豫章疫旱並行人兵

損減各求進軍其言云云孤聞此言未以為悅然道路

既遠降者難信幸人之災君子不為

左氏傳曰秦饑使乞糴于晉晉人弗

與慶鄭曰背施無親幸災不仁

且又百姓國家之有加懷區區樂欲崇

和庶幾明德來見昭副不勞而定於孤益貴是故按兵

守次遣書致意古者兵交使在其中

左氏傳曰晉欒書伐鄭鄭使伯蠲行

戒晉人殺之非禮也兵交使在其間可也

願仁君及孤虛心回意以應詩入

補衮之歎而慎周易牽復之義

毛詩曰衮職有關仲山甫補之周易曰牽復吉

濯鱗清流飛翼天衢良時在茲勗之而已

與朝歌令吳質書

典畧曰質為朝歌長大軍西征太子南在孟津小城與質書漢

書曰魏郡

有朝歌縣

魏文帝

五月二十八日丕白季重無恙

爾雅曰恙憂也

塗路雖局官守

有限

爾雅曰局近孟子曰吾聞有官守者不得其職則去

願言之懷良不可任

毛詩

曰願言思子杜預左氏傳注曰任當也

足下所治僻左書問致簡益用增

勞每念昔日南皮之遊

漢書渤海郡有南皮縣

誠不可望既妙思

六經逍遙百氏

莊子孔子謂老聃曰丘治詩書禮樂易春秋六經自以為久矣淮南子曰百家

異說各有彈碁間設終以六博藝經曰碁正彈法二人對局白黑碁各六枚先列碁

相當更先控三彈不得各去控一碁先補角世說曰彈碁出魏宮大體以中角拂碁子也高談娛心

哀箏順耳駢騁北場旅食南館

儀禮曰尊士旅食于門鄭玄注士旅衆也士衆

謂未得正祿所謂庶人在官者浮甘瓜於清泉沉朱李於寒水白日既

匿繼以朗月同乘並載以遊後園輿輪徐動叅從無聲

清風夜起悲茹微吟樂往哀來愴然傷懷

列女傳陶荅子妻曰樂極

必哀莊子仲尼曰樂未一哀又繼之余顧而言斯樂難常足下之徒咸以

為然今果分別各在一方元瑜長逝化為異物

司馬遷答任少

卿書則長逝者魂魄私恨無窮鵬鳥賦曰化為異物又何足患莊子曰假以異物記於同體郭象曰今死生聚

散變化無方皆異物也

每一念至何時可言方今韃賓紀時景風

扇物

禮記曰仲夏之月律中蕤賓易通卦驗曰夏至則景風至

天氣和暖衆果具繁

時駕而遊北遵河曲從者鳴笳以啓路文學託乘於後

車

毛詩曰命彼後車謂之載之

節同時異物是人非我勞如何

毛詩曰道

之云遠我勞如何

今遣騎到鄴故使枉道相過行矣自愛

老子曰聖

愛入自不白

與吳質書

典畧曰初徐幹劉楨應瑒阮瑀陳琳王粲等與質並見友於太子二十二年魏

大疫諸人多死故太子與質書

魏文帝

二月三日丕白歲月易得別來行復四年

且也

三年不

見東山猶歎其遠況及過之思何可支

毛詩曰我徂東山滔滔不歸自

我不見于今三年杜預左氏傳注曰不支不能相支持也

雖書疏往返未足解其勞

結昔年疾疫親故多離其災徐陳應劉一時俱逝痛可

言邪昔日遊處行則連輿止則接席何曾須臾相失每

至觴酌流行絲竹並奏酒酣耳熱仰而賦詩

楊惲報滌會宗書曰

酒後耳熱仰天撫缶

當此之時忽然不自知樂也謂百年已分可

長共相保何圖數年之間零落畧盡言之傷心頃撰其

遺文都為一集

廣雅曰撰定也都凡也

觀其姓名已為鬼錄追思

昔遊猶在心目而此諸子化為糞壤可復道哉觀古今

文人類不護細行鮮能以名節自立

尚書曰不矜細行終累大德

而

偉獨懷文抱質恬淡寡欲有箕山之志可謂彬彬君子

者矣

論語子曰文質彬彬然後君子桓子新論雍門周曰身材高妙懷質抱真老子曰少私寡欲呂氏春

秋曰昔堯朝許由於沛澤之中曰請著中論二十餘篇

成一家之言辭義典雅足傳于後此子為不朽矣

文章志曰

徐幹字偉長北海人太祖召以為軍謀祭酒轉太子文學以道德見稱著書二十篇號曰中論司馬遷書曰通

古今之變成

德璉常斐然有述作之意

論語曰斐然成章又曰述而不

作其才學足以著書美志不遂良可痛惜間者歷覽諸

子之文對之投淚既痛逝者行自念也

楚辭曰孤行吟而投淚

璋章表殊健微為繁富公孫幹有逸氣但未道耳其五

言詩之善者妙絕時人

言其詩之善者時人不能遂也

元瑜書記翩翩

致足樂也仲宣續自善於辭賦

言仲宣最少續彼衆賢自善於辭賦也續或為

獨惜其體弱不足起其文

典論論文曰文以氣為主氣之清濁有體弱謂之體弱也

至於所善古人無以遠過昔伯牙絕絃於鍾期仲尼復

醢於子路痛知音之難遇傷門人之莫逮

呂氏春秋曰子期死伯牙

乃破琴絕絃禮記曰孔子哭子路於中庭有人弔者而夫子拜之既哭進使者而問故使者曰醢之矣遂命覆

醢諸子但為未及古人自一時之雋也今之存者已不

逮矣後生可畏來者難誣恐吾與足下不及見也

論語子曰

後生可畏焉知來者之不如今

年行已長大所懷萬端時有所慮至通

不瞑志意何時復類昔日已成老翁但未白頭耳光武

言年三十餘在兵中十歲所更非一

東觀漢記光武賜
隗囂書曰吾年已

三十餘在兵中十歲所
更非一厭浮語虛辭耳

吾德不及之年與之齊矣以犬

羊之質服虎豹之文無衆星之明假日月之光

法言曰
敢問質

曰羊質而虎皮見草而悅見豹而戰文子曰百星之明
不如一月之光賈子曰主之與臣若日月之與星也

動見瞻觀何時易乎恐永不復得為昔日遊也少壯真

當努力

古詩曰少壯不努力
老大徒傷悲

年一過往何可攀援

莊子北
海若曰

年不可攀時不可止
消息盈虛然則又始

古人思炳燭夜遊良有以也

古詩
曰晝

短若夜長何不來
蜀遊乘或作炳

頃何以自娛頗復有所迷造不東望

於邑裁書叙心楚辭曰長呼

丕白

與鍾大理書

魏志曰鍾繇字元常魏國初建為大理魏畧曰後太祖征漢中太子在孟

津聞繇有玉玦欲得之而難公索使臨淄侯轉因人說之繇即送之太子與繇書

魏文帝

丕白良玉比德君子珪璋見美詩人

禮記孔子曰君子比德于玉毛詩曰

顯顯珪璋

晉之垂棘魯之璆璠宋之結緑楚之和璞

垂棘

見下文左氏傳曰季平子卒陽虎將以璆璠斂戰國策應侯謂秦王曰宋有結緑楚有和璞此二者而為天下

之名價越萬金貴重都城尹文子曰魏有田父耕於野

器也于野鄰人盜之以獻魏王魏王召玉工相之玉工賀曰

敢賀大王得天下之寶臣所未嘗見王問其價玉工曰

此無價以當之五城之都聊可以觀魏王立賜獻者千金長食工大夫之祿有稱壽昔流聲

將來孔子家語曰流聲後裔是以垂棘出晉虞號雙禽左氏傳曰

以屈產之乘與垂棘之璧假道於虞以伐虢虞公許之

宮之奇諫曰虞不臘矣晉滅虢虢號公醜奔京師旋館於

虞遂襲和璧入秦相如抗節孝經援神契曰抗節薦義通乎至德竊見玉

書稱美玉白如截肪黑譬純漆赤擬雞冠黃侔蒸栗逸王

正部論曰或問玉符曰赤如雞冠黃如蒸栗白如堵

肪黑如純漆玉之符也通俗文曰脂在腴曰肪音方側

文選

聞斯語未覩厥狀雖德非君子義無詩人高山景行私

所慕仰

毛詩曰高山仰止景行行止

然四寶邈焉已遠秦漢未聞有

良比也求之曠年不遇厥真私願不果饑渴未

許慎淮南

子注曰果成也孔叢子子思謂魯穆公曰君若饑渴待賢

近日南陽宗會叔稱君侯

昔有美玦聞之驚喜笑與拊會

說文曰拊附手也

當自白書恐

傳言未審

未敢作書

是以令舍弟子建因荀仲茂

荀氏家傳曰荀宏字

仲茂為太子文學

時從容喻鄙旨乃不忽遺厚見周稱

周稱謂

鄴騎既到寶玦初至捧匣跪發五內震駭

錄在鄴城太子在孟津也

李陵詩曰行行且繩窮匣開爛然滿目延篤與李文德書曰吾誦伏藏

氏之易煥兮猥以蒙鄙之姿得觀希世之寶不煩一介爛兮其滿目

之使不損連城之價既有秦昭章臺之觀而無蘭生詭

奪之誑

史記趙惠王得和氏之璧秦昭王聞之使人遺趙王書願以十五城易璧趙王遂使相如奉璧

西入秦秦王坐章臺見相如相如奉璧秦王相如視秦王無意償趙城乃前曰璧有瑕請指之王授相如相如持璧倚柱怒髮上衝冠曰觀大王無償趙城色故嘉

臣復取璧大王必欲急臣臣頭與璧俱碎於柱矣

益腆敢不欽承謹奉賦一篇以讚揚麗質丕白

與楊德祖書

典畧曰臨淄侯以才捷愛幸秉意投修數與修書論諸才人優劣

曹子建

植白數日不見思子為勞想同之也僕少小好為文章迄至于今二十有五年矣然今世作者可畧而言也昔

仲宣獨步於漢南孔璋鷹揚於河朔

仲宣在荊州故曰漢南孔璋廣陵人

在冀州表紹記室故曰河朔仲長子昌言曰清如水碧絮如霜露輕賤世俗高立獨步此士之次也毛詩曰惟師尚父時惟鷹揚偉長擅名於青土公幹振藻於海隅

時偉長居北海

郡禹貢之青州也故云青土公幹東平寧陽人也寧陽邊齊故云海隅呂氏春秋曰東方為海隅青州齊也

德璉發跡於北魏足下高視於上京

德璉南頓人也近許都故曰北魏修

太尉之子故曰上京當此之時人人自謂握靈蛇之珠家家自謂

抱荆山之玉

淮南子曰隨侯之珠高誘曰隨侯見大蛇陽斷以藥傳而塗之後蛇於大江中銜珠

以報之因曰隨侯之珠韓子曰楚人和氏得玉璞於楚山之中奉而獻之文王使玉人治其璞而得寶吾

王於是設天網以該之頻八紘以掩之今悉集茲國矣

吾王謂操也崔寔本論曰舉彌天之網以羅海內之雄淮南子曰九州之外是有八澤八澤之外乃有八紘

然此數子猶復不能飛軒絕跡一舉千里

韓詩外傳益脊曰鴻鵠一

舉千里所恃者六翮爾

以孔璋之才不閑於辭賦而多自謂能與

司馬長卿同風譬畫虎未成反為狗也

東觀漢記曰馬援識子嚴書曰

效杜季良而不成陷為天下輕薄子所謂畫虎不成反類狗也前有書嘲之反作論盛

道僕讚其文夫鍾期不失聽于今稱之列子伯牙善鼓琴鍾子期善聽

吾亦不能妄歎者畏後世之嗤余也世人之著述不能

無病僕嘗好人譏彈其文有不善者應時改定荀子曰有人道

我善者是吾賊也道昔丁敬禮常作小文使僕潤飾之

論語曰行人子羽修飾僕自以才不過古卧切若人辭不

為也若人謂敬禮也論語子謂子賤君敬禮謂僕卿何子哉若人包曰若人若此之人也

所疑難文之佳惡吾自得之後世誰相知定吾文者邪

吾常歎此達言以為美談

公羊傳曰魯人至今以為美談

昔尼父之文

辭與人通流至於制春秋游夏之徒乃不能措一辭

禮記

曰魯哀公曰嗚呼尼父史記曰孔子文辭有可過此而與共者至于春秋子游子夏之徒不能贊一辭

言不病者吾未之見也蓋有南威之容乃可以論於淑

媛于戀切為劉季緒張本戰國策曰晉平公得南威三日不聽朝遂推而遠之曰後世必有以色亡國者爾

雅曰美有龍泉之利乃可以議于斷丁股切割戰國策蘇女為媛

曰韓之劍戟龍淵大阿劉季緒才不能逮於作者摯虞陸斷牛馬水擊鴻鴈

志曰劉表子官至樂安而好詆訶丁禮切文章倚居太守著詩賦頌六篇

切撫之石

利病

說文曰訶大言也又曰倚偏引也

昔田巴毀五帝罪三

王啓

紫

五霸於稷下一旦而服千人魯連一說使終身

杜口

魯連子曰齊之辯者曰田巴辯於祖丘而議于稷下毀五帝罪三王一旦而服千人有徐劫弟子曰

魯連謂劫曰臣願當田子使不敢復說七畧曰齊有稷城門也齊談說之士期會於稷下者甚衆漢書鄧公謂

景帝曰內杜忠臣之口

劉生之辯未若田氏今之仲連求之不難

可無歎息乎

毛萇詩傳曰息止也

人各有好尚蘭茝

昌待切

蓀蕙之

芳衆人所好而海畔有逐臭之夫

喻人評文章愛好不同也呂氏春秋曰人

有大臭者其親戚兄弟妻妾知識無能與居者自苦而居海上人有悅其臭者晝夜隨而不去咸池六

莖之發衆人所共樂而墨翟有非之之論豈可同哉

樂動

聲儀曰黃帝樂曰咸池漢書曰顓頊作六莖樂墨子有非樂篇

今往僕少小所著辭賦

一道相與夫街談巷說必有可采擊轅之歌有應風雅

漢書曰小說家者街談巷語道聽塗說之所造也崔駰曰竊作頌一篇以當野人擊轅之歌班固集曰擊轅相杵亦足匹夫之思未易輕棄也

我此一通同匹夫之思也

辭賦小道

固未足以揄揚大義彰示來世也昔楊子雲先朝執戟

之臣猶稱壯夫不為也

漢書曰楊雄秦羽獵賦為郎然郎皆執戟而持也東方朔荅客

難曰官不過侍郎位不過執戟楊子法言曰雕蟲篆刻壯夫不為也

吾雖德薄位為蕃侯

猶庶幾戮力上國流惠下民

國語曰戮力一心四子建

永世之業留金石之功

尚書王曰與國咸休永世無窮吳越春秋樂師謂越王曰君王

德可刻金石

宣徒以翰墨為勲績辭賦為君子哉若吾志未

果吾道不行則將采庶官之實錄辯時俗之得失

班固漢書

司馬遷贊曰有良史之才其又直其事該不虛吳不隱要故謂之實錄應劭曰言其實錄事也定仁義

之衷成一家之言

司馬遷書通古今之變成一家之言

雖未能藏之於名

山將以傳之於同好

司馬遷書曰僕誠以著此書藏之名山尚書序曰好古博雅君子與

我同志亦所不隱也非要切

之皓首豈今日之論乎其言之不

慙恃惠子之知我也

張平子書曰其言之不慙恃鮑子之知我

明早相迎書

不盡懷植白

與吳季重書

典畧曰質出為朝歌長臨淄侯與質書

曹子建

植白季重足下前日雖因常調得為密坐

曹大家敬畧頌曰侍帝王

之密雖讌飲彌日其於別遠會稀猶不盡其勞積也

毛詩

曰彌終也

若夫觴酌陵波於前簫茄發音於後足下鷹揚其

體鳳觀虎視

鷹揚已見上文足下謂季重也鳳以喻文也虎以喻武也數猶歌也取美壯之意山

海經曰丹穴之山有鳥名曰鳳
飲食自歌自舞易曰虎視眈眈
謂蕭曹不足儔衛霍不

足侔也左顧右盼謂若無人豈非君子壯志哉

史記曰荆刺與

高漸離歌於市已過屠門而大嚼疾躍切雖不得肉貴且

快意

桓子新論曰人聞長安樂則出門向西而笑知肉味美對屠門而大嚼

當斯之時願

舉泰山以為肉傾東海以為酒伐雲夢之竹以為笛斬

泗濱之梓以為箏

尚書曰雲土夢作乂孔安國曰雲夢之澤在江南尚書曰泗濱浮磬食

若填巨壑飲若灌漏卮

莊子淳芒謂苑風曰夫大壑之謂物也注焉而不滿取之而不

竭淮南子曰今夫雷水足以其樂固難量豈非大丈夫
溢壺榼而江河不能實漏卮

之樂哉然日不我與曜靈急節

楚辭曰角宿未旦曜靈焉藏廣雅曰曜靈日也

面有逸景之速別有參商之濶

左氏傳子產曰昔高辛氏有二子伯曰閼伯季

曰實沈不相能后帝不臧遷閼伯于商丘主辰商人是因故辰為商星遷實沈於大夏主參唐人是因其季葉

曰唐叔故參為晉星

思欲抑六龍之首頓羲和之轡

楚辭曰贊鴻以東竭兮

維六龍於扶桑又曰吾令羲和弭節兮

折若木之華閉濛汜之谷

楚辭曰折若木

以拂日兮聊逍遙以相伴王逸曰若木在崑崙言折取若木以拂擊蔽日使之還却也楚辭曰出自陽谷次於

濛汜

天路高邈良久無緣

仲長子昌言曰蕩蕩乎若昇天路而不知夫所登也懷戀

反側如何如何得所來訊文采委曲暝若春榮瀏若清

風答賓戲曰摘藻如春華毛詩曰吉甫作頌穆如清風楚辭曰秋風劉以蕭蕭兮申詠反覆曠

若復面其諸賢所著文章想還所治復申詠之也謂治所治

歌可令意切事小吏諷而誦之周禮曰諷誦言語鄭

節之曰誦夫文章之難非獨今也古之君子猶亦病諸論語

堯舜其猶病諸家有千里驥而不珍焉人懷盈尺和氏而無貴

矣言驥及和氏以希為貴今若家有千里人懷盈尺即驥及和氏寧得珍貴乎呂氏春秋曰所為貴驥者為

其一日千里也淮南子曰聖人不貴尺璧而重寸陰韓

子曰楚人和氏得玉璞於楚山之中遂名曰和氏之璧

夫君子而不知音樂古之達論謂之通而蔽墨翟不好

妓何為過朝歌而迴車乎足下好妓而正值墨氏迴車

之縣想足下助我張目也又聞足下在彼自有佳政夫

求而不得有之矣未有不求而得者也

法言曰學者所以求為君子求

而不得者有矣未有不求而得之者也

且改轍而行非良樂之御

呂氏春秋曰古

之善相馬者若趙之王良秦之伯樂尤盡其妙也左氏傳曰晉趙鞅納衛太子于戚將戰郵無恤御杜預曰郵

無恤王良也

易民而治非楚鄭之政

戰國策曰趙告謂趙王曰臣聞之聖人不易民

而教智者不變俗而勸史記曰循吏楚有孫叔敖鄭有子產而二國俱治是不易之民也

願足下勉

之而已矣適對嘉賓口授不悉往來數相聞曹植白

植集

此書別題云夫為君子而不知音樂古之達論謂之通而蔽墨翟自不好妓何謂過朝歌而迴車乎足下好妓而正值墨氏迴車之縣想足下助我張目也今本以墨翟之好妓置和氏無貴矣之下蓋昭明移之與季重之書想應耳

答東阿王書

吳季重

質白信到奉所惠貺發函伸紙是何文采之巨麗而慰喻之綢繆乎夫登東嶽者然後知東山之邈迤也奉至尊者然後知百里之卑微也

法言曰觀書者譬如觀山升東嶽而知東山之邈迤況

介丘乎下句益
季重自況也

自旋之初伏念五六日至於旬時

尚書曰要

囚服念五六
日至于旬時

精散思越惘若有失非敢羨寵光之休慕

猗頓之富

毛詩曰既見君子為龍為光毛萇曰龍寵也孔叢子子產問子順曰臣置於財聞猗頓善

殖貨欲學之然先生同國也當知其術願以告我答曰然我知之猗頓魯之窮士也耕則常饑桑則常寒聞朱公富往之問術焉朱公告之曰子欲陳富當畜三牸於是乃適河大畜牛羊于猗氏之南十年之間其滋息不可計貨擬王公馳名天下誠以身賤犬馬德輕鴻毛以興富於猗氏故曰猗頓
策魯連說張相國曰鴻至乃歷玄闕排金門升玉堂
毛之輕也而不能自舉
舊事曰未央宮北有玄武闕解
嘲曰歷金門上玉堂有日矣
伏虛檻於前殿臨曲池

而行觴

楚辭曰坐堂伏檻臨曲池

既威儀虧替言辭漏渫

思死反

雖恃

平原養士之懿愧無毛遂耀穎之才

史記曰秦之圍邯鄲使平原君求救

合從於楚約與食客門下有勇士文武備具者二十人偕得十九人餘無可取者毛遂自贊於平原君平原君曰夫賢士之處俗譬如錐之處囊中其末立見今在左右未有所稱誦是先生無所有也毛遂曰臣今日請處囊中耳使遂早得處囊中乃深蒙薛公折節之禮而無脫穎而出非特其末見而已

馮諼

爰切

三窟之效

漢書曰淮南王折節下士戰國策曰齊人有馮諼者貧乏不能自存

使人屬孟嘗君願寄食門下孟嘗君曰諾孟嘗君問門下諸客誰習會計能為文收債於薛者乎馮諼曰能於是約車促裝單衣載契而辭問曰收債畢何市而反孟嘗君曰視吾家所寡有者驅而之薛矯命以債賜諸人

因燒其券人稱萬歲長驅到齊孟嘗君見之曰何市而反曰竊計君家無所不有所以者義爾為君市義孟嘗君不悅後有毀孟嘗君於湣王孟嘗君就國於薛未至百里老幼迎於道中孟嘗君顧馮諼曰先生為文市義乃今見矣馮諼曰狡兔有三窟免其死耳今君有一未得高枕而卧也請為君復鑿二窟孟嘗君乃與車五十乘金五百斤西遊於梁梁惠王聘孟嘗君齊王聞之君臣恐懼使太傅謝孟嘗君曰願君顧先王之宗廟姑反國統民馮諼謂孟嘗君請先王之祭器立宗廟於薛廟成還謂孟嘗君曰三窟已就請君高枕為樂矣

屢

獲信陵虛左之德又無侯生可迷之美

史記曰魏公子置酒大會賓客

公子從車騎虛左自迎夷門侯生侯生攝衣冠直載公子上坐不讓欲以觀公子公子執轡愈恭侯生謂公子曰今日嬴之為公子亦足矣市人皆以嬴為小人而以公子為長者能下士也

凡此數者乃質

之所以憤積於胸臆懷眷而悵邑者也若追前宴謂之
未究欲傾海為酒并山為肴伐竹雲夢斬梓泗濱然後

極雅意盡歡情信公子之壯觀非鄙人之所庶幾也

封禪

書曰天下之壯觀周易曰若質之志實在所天

左氏傳歲尹克

黃曰君思投印釋轂朝夕侍坐鑽仲父之遺訓覽老氏

天也之要言仲父仲尼也對清酤而不酌抑嘉肴而不享

毛詩

曰既載清酤又使西施出帷嫫母侍側

越絕書曰越王乃飾美女西施

曰嘉肴腍使大夫種獻之於吳王楚辭曰西施婉而不得
見兮嫫母勃屑而日侍王逸曰嫫母醜女也斯盛德

之所蹈明哲之所保也

周易曰日新之謂盛德毛詩曰既明且哲以保其身

若乃

近者之觀實蕩鄙心秦箏發徽二八迭奏

楚辭曰扶秦箏而彈徽又

曰二八齊容起鄭舞

塤簫激於華屋靈鼓動於座右

舞賦曰耀華屋而嬉洞房

周禮曰靈鼓靈鼓也

耳嘈嘈於無聞情踴躍於鞍馬謂可北懾肅

慎使貢其楛矢南震百越使獻其白雉

家語曰孔子之陳陳惠公賓之

有隼集庭而死楛矢貫之惠公使使如孔子之館問之孔子曰昔武王克商於是肅慎氏貢楛矢石砮其長尺有咫故銘其楛曰肅慎氏貢矢以分大姬配虞胡公而封諸陳王肅曰肅慎北夷國名也楛木名也砮箭鏃也太公金匱曰武王伐殷四夷聞各

以來貢越裳獻白雉

重譯而至

又況權備夫何足視

乎還治諷采所著觀省英瑋實賦頌之宗作者之師也

漢書曰司馬相如蔚為辭宗賦頌之首眾賢所述亦各有志昔趙武過平

鄭七子賦詩春秋載列以為美談左氏傳曰趙武與諸侯大夫會過鄭鄭伯

享趙孟于垂隴七子從趙孟曰七子從君以寵武也請皆賦詩以卒君貺武亦以觀七子之志子展賦草蟲伯

有賦鵲之責賁子西賦黍苗之四章子產賦隰桑桑危質小

人也無以承命又所答貺辭醜義陋申之再三赧然汗

下尚書曰至于再至于三爾雅曰面慙曰赧此邦之人閑習辭賦三事大夫

莫不諷誦何但小吏之有乎毛詩曰三事大夫莫肯夙夜重惠苦言

訓以政事

史記衛鞅曰苦言藥也甘言疾也

惻愷之恩形乎文墨

謝承后漢

書曰甄豐惻愷之恩發於自然

墨子迴車而質四年雖無德與民式歌

且舞

淮南子曰曾子至孝不過勝母里墨子非樂不入朝歌鄒陽上書曰里名勝母曾子不入邑號朝歌

墨子迴車毛詩曰雖無德與女式歌且舞式作或者非

儒墨不同固以久矣然一

旅之衆不足以揚名

左氏傳伍員曰少康有衆一旅杜預曰一旅五百人也

步武

之間不足以騁跡

司馬法曰六尺曰步禮記曰堂上接武鄭玄注曰武跡也

若不改

轍易御將何以效其力哉今處此而求大功猶絆良驥

之足而責以千里之任櫛猿猴之勢而望其巧捷之能

者也

淮南子曰兩絆驥而求其致千里置援檻中則與豚同非不巧捷也無所肆其能也

不勝見

恤謹附遣白答不敢繁辭吳質白

與滿公琰書

賈弼之山公表注曰滿龍子炳字公琰為別部司馬

應休璉

公琰前日曹過休璉至明日欲遣書謝值公琰又使人來召璉璉別事不得往

故為報

璉白昨者不遺猥見照臨雖昔侯生納顧於夷門毛公

受眷於逆旅無以過也

夷門侯嬴也已見吳季重答東阿王書史記曰趙有處士毛公

藏於博徒薛公藏於膏粱家魏公子欲見之兩人自匿不肯見公子聞所在乃闢步往從此兩人遊甚歡左氏

傳荀息曰今號為不道保於逆旅

外嘉郎君謙下之德內幸頑才見誠

知己歡欣踴躍情有無量是以奔騁御僕宣命周求陽

畫喻於詹何楊倩說於范武

說苑曰宓子賤將適單父陽畫謂子賤曰吾少賤無

以送子今贈子以釣道夫投綸錯餌迎而吸之者楊鱗也其為魚味薄不美若亡若存若食若不食者魴之為魚博而厚味子賤至單父冠蓋迎之者交接於道子賤曰陽畫所謂楊鱗者也乃請耆老尊賢與之共化列子曰詹何楚人也以獨蠶為綸芒針為鈎荊棘為竿剖拉為餌而引盈車之魚韓子曰宋人有酤酒者升概甚平遇客甚謹為酒甚苦縣幟甚高然而不售酒酸怪其故問其所知閭長者楊倩曰汝狗猛曰狗猛則酒美何故而不售曰人畏馬或令孺子懷錢攜壺覓而往酤狗迎而說之此酒所以酸不售也夫國亦然有道之士懷其

術而欲以輔萬乘之主大臣為猛狗迎而噬之人主故
之所以蔽脅而有道之士所以不用也范武未詳

使鮮魚出於潛淵芳旨發自幽巷繁組綺錯羽爵飛騰

楚辭曰瑤漿蜜勺寶羽觴兮漢書音義曰羽觴作牙曠
生爵形儀禮曰請膝爵鄭玄曰今文膝多作騰

高徽義渠哀激列子伯牙善鼓琴左氏傳曰師曠待於
晉侯杜預曰師曠晉樂太師也許慎淮

子注曰鼓琴猶絃謂之徽戰國策曰義渠君當此之時
之魏高誘曰義渠西戎國名也其樂未聞

仲孺不辭同產之服孟公不顧尚書之期漢書曰灌夫
字仲孺夫常

有姊服過丞相田蚡蚡從容曰吾欲與仲孺過魏其侯
會仲孺有服夫曰將軍乃肯幸臨魏其侯夫安敢以服

為辭又曰陳遵字孟公嗜酒好賓客每取客車轡投井
中雖有急終不去嘗有部刺史奏事過遵值其方飲刺

史侯遵需醉時突入見遵母叩頭白曰當對
尚書有期會狀毋迺令刺史從後閣出去徒恨宴樂

始酣白日傾夕驪駒就駕意不宣展漢書曰諸博士共待酒肉勞王式江

翁謂歌吹諸生曰歌驪駒王式曰聞之於師客歌驪駒
主人歌客毋庸歸今諸君為主日尚早未可也服虔

曰大戴禮篇客欲去歌之文穎曰其辭曰追惟耿介迄
驪駒在門僕夫具存驪駒在路僕夫整駕

于明發楚辭曰獨耿介而不隨毛詩曰明發不寐適欲遣書會承來命知諸

君子復有漳渠之會夫漳渠西有伯陽之館北有曠野

之望伯陽即老子也詩曰率彼曠野高樹翳朝雲文禽蔽綠水沙場夷

敞清風肅穆是京臺之樂也得無流而不反乎淮南子曰今尹

子瑕請飲莊王許諸子瑕其於京臺莊王不往曰吾聞
京臺者南望獵山北臨方皇左江右淮其樂忘歸若吾
薄德之人不可以當此樂也恐流而不能適有事務須
自反高誘曰京臺高臺也方皇大澤也

自經營

何休公羊傳注曰適遇也

不獲侍坐良增邑邑

邑邑不樂也

因白

不悉璩白

與侍郎曹長思書

應休璉

璩白足下去後甚相思想叔田有無人之歌墮隔有匪
存之思風人之作豈虛也哉

毛詩曰叔于田巷無居人又曰出其閨闈有女如荼

又曰雖則如雲匪我王肅以宿德顯授何曾以後進見

思存閨音因闌音都魏志曰王肅字子雍黃初中為散騎黃門侍郎臧榮緒晉書曰何曾字穎考陳國人也曾弱冠累遷散騎

侍郎給事黃門郎來觀漢記梁商上書猥復超超宿德論語子曰後進於禮樂君子也皆鷹揚虎

視有萬里之望薄援助者不能追參於高妙復歛翼於

故枝桓子新論曰昔顏淵有高塊然獨處有離羣之志妙次聖之才聞一知十

淮南子曰卓然獨立塊然幽處禮記子夏曰吾離羣索居亦已久矣汲黯樂在郎署何武

恥為宰相千載揆之知其有由也漢書汲黯字長孺拜淮揚太守黯伏地謝

不受印綬臣願為中郎出入禁闈臣之願也又曰何武字君公為御史司空多所舉奏號為煩碎不稱賢公恥

義未詳 德非陳平門無結駟之跡漢書曰陳平家貧好讀書張負隨平至其家家

負郭窮巷以席為門然門外多長者車轍學非揚雄堂無好事之客漢書曰揚雄家

素貧嗜酒人稀至其門時有好事者載酒看從雄遊學才劣仲舒無下帷之思家

貧孟公無置酒之樂漢書曰董仲舒廣川人少治春秋孝景時為博士下帷講習又曰陳

遵字孟公嗜酒每大飲賓客滿堂遵遇寡婦左阿君置酒歌謳遵起舞跳梁樂之悲風起於閨

闥紅塵蔽於机榻幸有袁生時步玉趾樵蘇不爨清談

而已左氏傳楚宰蘧啓疆謂魯侯曰今君若步玉趾辱見寡君也漢書廣武君李左車說成安君曰樵蘇

後樊師不宿飽晉灼曰有似周黨之過平閔子東觀漢記曰太

樵取薪也蘇取草也

原閔貢字仲叔與周黨相遇含菽飲水無菜茹也

夫皮朽者毛落川涸者魚逝

蔡邕正論曰皮朽則毛落水涸見魚逝其勢然也

春生者繁華秋榮者零悴

周書

陰符太公曰春道生萬物零

自然之數豈有恨哉聊為大弟陳其苦

懷耳想還在近故不益言璩白

與廣川長岑文瑜書

廣川縣時旱祈雨不得作書以戲之

應休璉

璩白頃者災旱日更增甚沙礫銷鑠草木焦卷

呂氏春秋曰湯

時大旱七年煎沙爛石山海經曰十日所落草木焦卷

處涼臺而有鬱蒸

之剝切

之煩

浴寒水而有灼爛之慘宇宙雖廣無陰以憇雲漢之詩

何以過此

毛詩雲漢曰赫赫炎炎云我無所鄭玄曰言無所庇陰而處也

土龍矯首於

玄寺泥人鶴立於闕里

淮南子曰聖人用物若用朱絲約芻狗若為土龍以求雨芻狗

待之以求福土龍待之而得食高誘曰土龍致雨雨而或穀故待土龍之神而得穀食玄寺道場也風俗通曰尚書御史所止皆曰寺故後代道場及祠宇皆取其稱焉淮南子曰西施毛嬙猶俱醜也高誘曰俱醜謂雨土人也司馬彪續漢書梅福工書曰仲尼之廟不出闕里修之歷旬靜無徵效明勸

教之術非致雨之備也知恤下人躬自暴露拜起靈壇

勤亦至矣

司馬彪續漢書曰郡國旱各掃除社稷公卿官長以次行雩禮求雨

昔夏禹之

解陽盱殷湯之禱桑林

淮南子曰禹治水以身禱於陽盱之河湯苦旱以身禱於桑林

之際禹謫曰為治水解禱以身為質解讀解除之解陽盱河蓋在秦地桑山之林能興雲致雨故禱之盱音紆

言未發而水旋流辭未卒而澤滂沛

說苑曰湯之時大旱七年使人持三

足鼎而祝山川蓋辭未已而天下大雨也

今者雲重積而復散雨垂落而復

收得無賢聖殊品優劣異姿割髮宜及膚剪爪宜侵肌

乎

呂氏春秋曰昔殷湯尅夏而大旱五年湯乃身禱於桑林於是翦其髮鄭其手自以為犧用祈福於上帝

民乃甚悅雨大至鄭音鄭

周征殷而年豐衞伐邢而致雨

左氏傳衞人伐邢於

是衞大旱寧莊曰昔周飢克殷而年豐今邢方無道善諸侯無伯天其或者欲使衞討邢乎從之師興而雨

否之應甚於影響未可以為不然也

尚書曰惠迪吉
從逆凶惟影響

雅思所未及謹書起予

論語子曰起予者商也

應璩白

與從弟君苗君胄書

北書言欲歸田故報二從弟也

應休璉

璩報問者北遊喜歡無量登芒濟河曠若發矇

說文曰芒洛北

大阜也禮記曰昭然若發矇矣如淳漢書注

風伯掃途

雨師灑道

韓子師曠曰黃帝祭鬼神於太山之上風伯進掃雨師灑道列仙傳曰赤松子為雨師

按轡清路周望山野亦既至止酌彼春酒

詩曰亦既見止又曰至止

肅肅又曰禮記曰堂上接武鄭玄
為此春酒接武茅茨涼過大夏武跡也說文曰屋以

草蓋曰茨淮南子曰大夏增加擬於崑崑扶寸肴修味踰

嵩高誘曰大夏大屋也涼或作棟非也扶寸肴修味踰

方丈尚書大傳曰扶寸而合不崇朝而雨天下鄭玄曰
四指為扶扶音膚墨子曰美食方丈目不能徧視

口不能徧味逍遙陂塘之上吟詠苑音鬱柳之下淮南子曰禹

毛詩曰苑結春芳以崇佩折若華以翳日楚辭曰紉秋
彼柳斯蘭以為佩又

曰春蘭兮秋菊毛萋詩傳曰崇充弋下高雲之鳥餌出

也若華已見曹植與吳季仲書弋下高雲之鳥餌出

深淵之魚蒲且子餘讚善便嬖一絲稱妙何其樂哉子列

詹何曰臣聞蒲且子之弋弱弓微繳乘風振之連雙鶴

於青雲之上用心專也淮南子曰雖有鈞鉞芳餌加以

文選

唐何便嫁之妙猶不能與周晉爭得也高誘曰便嫁白翁時人也七發曰蝟螺唐何之倫然便嫁即蝟螺也

雖仲尼忘味於虞韶楚人流遯於京臺無以過也論語曰子

在齊聞韶三月不知肉味曰不圖為樂之班嗣之書信至於斯也京臺已見應休璉與滿公琰書

不虛矣漢書曰桓生欲惜其書班嗣報曰漁釣一壑則萬物不奸其志棲遲一丘則天下不易其樂

來還京都塊然獨處營宅瀕洛困於跽塵晏子春秋曰晏公欲更晏

子之宅近市湫思樂汶上發於寤寐論語曰季氏使閔子騫為費宰閔子

騫曰善為我辭焉如有復我者則吾必在汶上矣昔伊尹輟耕鄆惲投竿思致

君於有虞濟蒸人於塗炭孟子曰伊尹耕於有莘之野而樂堯舜之道湯使人以幣

聘之羣羣然湯三使往聘之既而幡然改之曰與我處
畎畝之中是以樂堯舜之道吾豈若使是君為堯舜之
君哉吾豈若使是民為堯舜之民哉吾豈若於吾身親
見之哉求觀漢記曰鄧惲字君章汝南人也鄭次都隱
於弋陽山中惲即去從次都止漁釣甚娛留數十日惲
喟然歎曰天生俊士以為民也鳥獸不可與同羣子從
我為伊尹乎將為許巢而去堯舜也次都曰吾年耄矣
安得從子子勉正性命勿勞神以害生告別而去惲客
於江夏郡舉孝廉為郎尚書曰民墜塗炭而吾方欲秉耒耜於山陽沉鉤緡

於丹水知其不如古人遠矣

漢書河內郡有山陽縣又上黨郡高都縣有堯谷丹

水所出然山父不貪天下之樂曾參不慕晉楚之富亦

其志也

山父即巢父也燕周古考史曰許由夏常居巢故一號巢父琴操曰許由夏則巢居冬則穴處

飢則仍山而食渴則仍河而飲堯大其志禪為天子由
曰放髮優游所以安已不懼非以貪天下也孟子曾子
曰晉楚之富不可及也彼以其富我以吾仁彼以其爵
我以吾義吾何慊乎哉

無已欲令州郡崇禮師官授邑誠美意也歷觀前後來

入軍府至有皓首猶未遇也

漢書賈誼上疏曰古者內有公卿大夫外有公侯伯

子男然後有官師小吏延及庶人

徒有飢寒駿奔之勞

尚書曰駿奔走

俟河之

清人壽幾何

左氏傳子駒曰周詩有之曰俟河之清人壽幾何杜預曰言人壽促而河清遲也

且官無金張之援遊無子孟之資

漢書金日磾贊曰夷狄亡國羈虜漢庭七

葉內侍何其盛矣又張湯贊曰張氏子孫相繼自宣元已來為侍中中常侍者凡十餘人功成之後唯有金氏

張氏漢書曰霍光字子孟驃騎將軍去病之弟也

而固富貴之榮望殊異之寵

是隴西之遊越人之射耳

淮南子曰夫乘舟而惑者不知東西見斗極則曉然而寤

矣性亦人之斗極有自見也則不失物之情無以自見則動而惑譬若隴西之遊愈躁愈沈又曰越人學遠射

秦天而發適在五步之內不易其儀幸賴先君之靈免

負擔之勤

左氏傳陳公子完免於罪戾弛於負擔

追蹤丈人畜雞種黍

論語

曰子路從而後遇丈人以杖荷蓀子路問曰子見夫子乎丈人曰四體不勤五穀不分孰為夫子執其杖而耘

止子路宿殺雞為黍而食之漢書潛精墳籍立身揚名

鄭朗曰修農圃之時畜雞種黍

斯為可矣

孝經曰立身行道揚名于後世

無或遊言以憎邑邑

禮記曰大人不

倡遊言鄭玄曰遊
浮也不可謂之言

郊牧之田宜以為意

爾雅曰邑外曰
郊周禮有牧田

廣開土宇吾將老焉

左氏傳曰隱公使營菟
裘吾將老焉菟音塗

劉杜二生

想數往來朱明之期已復至矣

爾雅曰夏
為朱明

相見在近故

不復為書慎夏自愛璩白

文選卷四十二